






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5716/A/2








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5716/A/2



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5716/A/2





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5716/A/2

N. VI

7/5

K


5716 Gb A/2

3308



10972 (11)





6232

DOMA

ANGELI SALÆ

Vicentini Veneti Chymia-  
tri celeberrimi

CHRYSOLOGIA,

SEU

EXAMEN AURI  
CHYMICUM

*In quo demonstratur, auro nec inesse  
substantiam aliquam potabilem: nec  
illud arte spagyrica transmutari  
posse in substantiam aquosam, oleo-  
sam vel salinam; & quid proprie  
intelligatur per aurum potabile.*

Adiecti sunt in fine ejusdem  
APHORISMI CHYMIATRICI  
recogniti.

HAMBURGI, impensis Henr Carstens,

Anno M. DC. XXII

*Hamounel Medius*







ILLVSTRISSIMO ET CEL-  
SISSIMO PRINCIPI  
AC DOMINO

Dn. ERNESTO  
Principi S.R. Im-  
perii Comiti Holsatiæ, Scha-  
vvenburgi & Sternebergæ  
Domino in Gehmen.


Principi ac Domino suo clemen-  
tissimo,

*Litterarum ac litteratorum mæcenatæ  
summo*

Chrysologiam hanc

*submissè dedicat  
& offert*

ANGELUS SALA  
Chymiater.



# PRÆFATIO ad Lectorem.



Enivole Lector:  
In meis nuper edi-  
tis & nunc secun-  
dum emissis ac re-  
visis Aphorismis  
Chymiatricis dilucidè exposui;  
quod nam unicum verum illud  
artis Chymiatricæ fundamentū  
sit, quisvè operationum eius ve-  
rus scopus, & quo pacto, qui-  
busve conditionib. Medicinæ in-  
serviat; adeò quidem, ut quivis  
Philochymiator, modò sanā sit  
mente præditus, non tantū,  
per



PRÆFATIO.

perfacilè cognoscere possit, quo-  
usque facultas & vis huius artis  
se extendat, verumque à fallo  
dignoscere ac discernere: sed et-  
iam præterea haut paucos erro-  
res, & nihili opiniones, quas  
nonnulli Chymici circa substan-  
tialem separationem sive præpa-  
rationem Metallorum, Marka-  
sitaram, Gemmarum, aliorum-  
que tam mineralium, quam la-  
pideorum corporum in medium  
attulerunt, & etiamnum hodiè  
plerique moderni Chymici ad-  
ferunt, nullo negotio retegere  
& refellere norit. Quo magis  
igitur horum fundamentorum  
meorum veritas constabiliatur,  
maximè huic rei conveniens fo-  
re præsens Subjectum de Auro  
judicavi, eoque hunc Tracta-

A 3

tum



PRÆFATIO.

tum conscribendum sumsi. Nec  
verò instituti mei aut Sententiæ  
hoc loco est, de nobilitate &  
præstantiâ, tum pulchritudine  
Auri, quibus omnia alia corpora  
terrestria antecellit, verbosius dis-  
serere, considerando, tam sacram  
Scripturam ipsam, quam sapien-  
tes Philosophos universos hanc  
prærogativam Auro passim tri-  
buere; Nec item mihi proposi-  
tum est, proponere distinctos  
particulares processus, eorumq;  
metacheiresin, quorum benefi-  
cio Aurum in liquorem dissolvi-  
tur, sublimatur, distillatur, alco-  
holisatur, reverberatur, in flores,  
& aliusmodi permultas & distin-  
ctas formas redigitur, quo de ge-  
nere magnus in Chymicorum li-  
bris



## PRÆFATIO.

bris est proventus : Sed tota intentio mea huc redit; ut quivis intelligens Medicus, quid Ars Chymica ex auro conficere queat, & per aurum potabile rectè veniat intellegendum, firmis & in naturâ solidè fundatis argumentis, perspicuis exemplis, & observationibus Chymiatricis demonstrè, & ob oculos collocem. Inprimis verò illud spectavi, ut sicuti in reliquis meis libris, ita & hic studiosis Chymiatricæ gratificarer & inservirem, reapse ostendens, quam simpliciter publici promovendi, & fructum meorum in Chymia exantlatorum laborum proximo communicandi cupidus.

A 4


Res

PRÆFATIO.

Rerum periti & intelligentiæ sine  
dubio hæc à me in optimam par-  
tem suscipient. Quod si qui ex  
adverso, malitiâ & odio fervidi,  
tantoque audaciores, quanto re-  
rum magis ignari, censoriam vir-  
gulam in ea, quorum fundamen-  
ta non assequuntur, sibi sumpse-  
rint: nihil tamen quidquam me  
commovebunt, quandoquidem  
veritati tandem necesse est ce-  
dat mendacium & falsitas: justa  
Dei Nemesis, tandem talibus ad  
erubescentiam adigendis & con-  
fundendis. Vale: Dabantur Ham-  
burgi, sub initiò novi anni 1622.

Ad





Ad

*Clarissimum & Experientissimum*  
*VIRVM*

**Dn. ANGELUM**  
**SALAM VICENTINUM**  
**VENETUM, Chymiatrum**  
**celeberrimum,**

*CHRTSOLOGIAM suam*  
*edentem:*

**Epistolæ & Carmina Ami-**  
**corum.**

**I.**

*S. P. Clarissime ac Excellentissime*  
*Dn ANGELE, amice toto corde*  
*mihi dilectissime:*



**Edditæ mihi sunt vestræ**  
**litteræ desideratissimæ:**  
**Hoc ingenuè fateor, a**  
**A s morem**



morem in vestram Excellentiam  
meum talem & tantum  
esse, ut ego eum nec verbis fa-  
tis exprimere, nec ullo facto  
metiri possim. Credo omnino  
& devotè credo, à DEO Do-  
mino nostro factum esse, ut e-  
go V. Excell: videre, & cum  
illa de rebus Chymicis Medicis  
conversari potuerim. Hanc  
verò conversationem nullæ um-  
quam litteræ, nulla scripta po-  
tuissem complere vehementius,  
aut definire arctius. Agò itaq;  
Deo opt: max: gratias pro hoc  
beneficio; nec erit ullum tem-  
pus, nullaque occasio, quæ me  
abs te umquam divulsum, aut  
aliter animatum habebit: Id  
quod, ceu coram pollicitus sum  
seriò, sic idem repeto pluribus,  
& quidem verbis adamantinis,  
nullo







gierant. Ego verò per Deum  
hortor te, imo fideliter hortor, ut  
alicubi edendam cures: Non de-  
spero etiam exinde multos Lapi-  
dis sui offensionem perspecturos  
& cognituros, quibus hactenus  
volupè fuit, tam miserè sumptu-  
um jacturam facere in re nihili.  
Abrumpo jam calamum & divi-  
næ protectioni I. E. devote cõ-  
mendo: Cui quoque amicitiam  
nostram spero optoq; per omnia  
salutarem gratamque futuram:  
Ego certè eandem exolculor &  
ex corde veneror. I. E. vivat &  
valeat Pancraticè in Domino,  
Dabatur festinanti calamo, ut  
vides, Marpurgi, Anno 1620.

*T. Excell:*

*Antiquâ fide & operâ  
fidelis*

Johan Hartmannus D.






II.

*Clarissimo & experientissimo  
Chymiatro*

DN. ANGELO SALÆ  
PAULUS CROQUERUS  
M. D. S.



Bſcuræ & ſolertiſſimo-  
rum ingeniorum irri-  
tis conatibus, attritis  
fortunis fruſtrâ tenta-  
tæ rei quod fidem derogas, idque  
quod à multis retro ſeculis, in  
tanta ſatagentium turba, uni aut  
alteri obtigiſſe infida ſæpe poſte-  
ritati fama prodidit, vanum ac  
commentitium eſſe contendis: a-  
pud omnes puto æquiores arbi-  
tros, prompta tibi & facilis eſt ve-  
nia: præſertim apud eos, qui in-  
genium judiciumque tuum in  
his



his talibus non ignorant, cuius  
ope omnia quaecunque Vulca-  
nus publicis usibus debet, facili  
negotio ab eo vel impetras vel  
extorques: & animi tui nobilita-  
tem notam habent, qua proprias  
etiam opiniones damnare, certis  
& evidentibus rerum testimoniis  
convictus non erubescis. Quor-  
sum enim tam operosè veterno-  
fissimi artificii acumine certetur,  
de rebus, quarum veritas sola  
sensuum fide sancitur. Cur diu al-  
tercando me & te fatigas, si sen-  
sibus haud fallacibus talium arbi-  
tris momento fidem inungere  
potes. Fac videam, quæ nisi vi-  
deantur, palpentur, temerè cre-  
duntur. At metuunt ne aspe-  
ctum simul vulgetur mysterium:  
Itane his artificibus naturæ le-  
gun-



guntur vestigia quam nisi A R S  
pro duce habeat errat per auia?  
Quid? non eius obuia & aspe-  
ctabilia sunt opera, non cæca &  
fallentia molimina? Quid est  
quod magis eorum exercet in-  
dustriam, quam ut innotescat  
ille tritus naturæ & retrusissimus  
tramos quo illa graditur ad re-  
rum miracula? Quare si ratioci-  
nando arguti experiundo vani  
deprehendantur hi naturæ my-  
stæ, contenti sint acuminis lau-  
de, quam illis ultro concedis, mo-  
do te non illi plus quam experi-  
entiæ credere velint.

Tu vero Clarissime S A-  
L A magna laude dignus  
qui tot annorum pyrotechnia  
toti prope Europæ notus lectissi-  
mis



mis ingenii tui foetibus celebris,  
cum[li quispiam alius]credulitati  
mortalium illudere, blādâ spe hi-  
antes ducere, ac inde unctius ca-  
put referre posses: candorem  
tuum publicis emolumentis im-  
pendis, irritisque laboribus tuis,  
aliorum studia ab amabili hac  
insaniâ detorques, impostorum  
fucos & speciosè confarcinatos  
dolos commonstras: ad quorum  
temeritatem confutandam, vel  
unicum id suffecerit quod ple-  
rumque hominum mendicabu-  
la, ipsi egentissimi, decoctores,  
patrimoniis naufragi, nescio quæ  
opum portenta aliis promittant.  
Frequens hoc seculo scelus, quod  
non impunitate solum, sed favore  
& patricinio credulorum in dies  
gliscit: & quamvis non sit tam  
jucundum vindicari, quam mi-  
serum



ferum decipi, quot tamen exi-  
stis sunt qui suo exitio favent,  
veteratorum artes, quibus pes-  
sum eunt, exosculantur & suspi-  
ciunt. Sic periisse juvat. Quan-  
to præstaret hos sumptus, labo-  
res, ærumnas, in scrutandis  
quas natura in mineralibus, me-  
tallis, lapidibus, & cæteris abdi-  
dit, ac in publica commoda eru-  
endis viribus, consumi: in quo  
quidem glorioso & utili instituto,  
nunquam cessare industriam tu-  
am, ego testari possum, qui insig-  
ni tuo favore in intima artis tuæ  
adyta admissus, eum fructum cæ-  
pi, quem tot annorum peregrina-  
tione, magnis sumptibus, apud a-  
lios frustra quæsi: Quo nomine  
quantum Illustrissimo ac Celsis-  
simo Domino, Dn. C H R I-  
B S T O-



STOPHORO Duci in Zbaras &c;  
hero meo clementissimo debe-  
am malo id perpetuis subiectif-  
simi, animi officiis impofterum  
testari, quam iam pluribus verbis  
profiteri: cuius tu altum & sub-  
limem animum admiratus, stu-  
pendis in tanta fortuna naturæ  
& industriæ dotibus captus, mi-  
hi qui ipsius procurandæ valetu-  
dini admotus sum, omnia quæ-  
cunq; tibi diuturnus rerum u-  
sus patefecit, communicaturum  
te bona fide recepisti. Quod  
plenissimè præstitisse te hoc meo  
Chyrographo consigno. Pro  
quo ingenti beneficio vivam &  
moriartibi obnoxius & vectiga-  
lis, & si quā dabitur testari tibi  
grati animi affectum agnosces  
hominem



hominem probum & officiis in-  
victum, Deus probos tuos &  
liberales conatus, coelesti sua  
ope sublevet, tibi que vitam  
longam omnibus arumnis ex-  
emptam impertiat, denique  
vota tua clementer sanciat. Vale  
amicissime SALA & amore me-  
cum certa.



B 2

III.



### III.



NGELE, scrutator Naturæ,  
SALA, profunde,  
Quo circumfusus cive trium-  
phat aquis

Vrbs Regina maris : Genetrix VI-  
CENTIA gaudet :

O mihi cum magnis suspiciende viris!  
Quicquid communem contra, & senten-  
tiam avitam,

Posse negas fieri, quæ voluere Sophi,  
(Quanquam opus & labor est res anti-  
quare priorum,

Inventisq; recens conciliare fidem!)  
Quicquid id est, quodcumq; negas, age  
detege mundo;

Pro Corvo fiet grata columba redux,  
Tempora decerptâ tibi quæ præcinget o-  
livâ,

Vt Medica princeps sis, & in arte sacrâ.

RAPHAEL JCONIUS,  
cognomento Eglinus, Helveto-  
Tigurinus S. Theologiæ D. &  
Professor in alma Universitate  
Mauritianâ Marpurgi ordin.

Εὐφημίας ἐνερὰ προσφύει.  
Spagyria



IV.



Pagyrlicos latè flores, &  
 ferta legentem  
 ALCHIMIA æthereâ vide-  
 rat arce SALAM,  
 Hactenus alta meus donat mihi  
 munera Phoenix,  
 Quæ sapiant famam posterita-  
 tis ait:  
 Thebani quondam vidi myſteria  
 Succi  
 Et VOMITUS gratâ mente  
 TRIUMPHUS erat:  
 Et TRIPLEX nuper complevit  
 BEZOAR, & quod  
 Occiduus, & quod orbis Eous  
 habet:  
 Coëtera quid memorem, æternæ  
 quæ tradita luci  
 Cuncta mei Myſtæ Bibliotheca  
 capit.

B 3

Ecce .


Eccenovas AURI Exuvias; quo  
lumine terras  
Nunc Sol Sala meus irradiare  
parat:  
Efficiam certè, hoc etiam promi-  
sit Apollo,  
Et Musæ votis accinuere meis:  
Quantum omnis mea materies  
superatur ab AURO,  
Tantum hic exsuperet cœtera  
scripta liber.

*Ponebat in amicia tesseram*

**EVVALDVS SCREEVELIUS,**  
*ordinarius Reipublica Haghen-  
sis Doctor Medicus.*

*Abdita*





V.



*Baita natura largæ molimi-  
na matris*

*Haftenus ingenij vis ope-  
rosa tui*

*Scrutata, & varias vires patefecit, &  
hausit*

*Omnia quæ veterum scripta dedere  
Sophûm.*

*Non tamen obscuro thesaurum condis  
in antro*

*Sed promissæ genij docta reperta tui.*

*Ignis amat lucem (quis enim calaverit  
ignem?)*

*Cuius tu vetitâ callidus ire viâ  
Occultas vires in apertam emittere lu-  
cem*

*Gaudes, huc mentis te igneus ardor  
agit;*

*Quamq; suo multi frondem optavere ca-  
pillo,*

*Aptatur capiti pulchra corona tuo.*

B 4

Scilicet

*Scilicet ut tenebras facile ignis dissipat,  
omnes,*

*Nominis elucet fama decusq; tui.*

*Artis opus magna magnos tibi fecit a-  
micos;*

*Heroumq; tibi conciliatur amor:*

*Quid mirum? princeps qui principe  
florete in arte*

*Principibus si sit charus ab arte vi-  
ris.*

*Forsitan Invidiæ stimulis pulsabere,  
Scripta*

*Magnorum cæcus carpere livor a-  
mat:*

*Non tamen his tu plus præclare move-  
beris HEROS,*

*Quam tumido rupes saxea pulsa  
mari:*

*Illa sibi constat, fluctus franguntur, ita  
alto*

*Murmura tu vulgi despicias animo.*

**JOHANNES Westhoff D.  
Medicus Hamburgensis.**

**VI.**



VI.

**A**ngelicos necdum cessas,  
 sine fine, volatus  
 Exercere tuïs, ANGELE  
 docte, libris

Num quæ pandis Laudana, quæ  
 Bezardica, & ultrà

Ingenii atq; animi sat docu-  
 menta tui?

Quæ de Vitriolo, Stibio quæq;  
 [eloquar?] adfers:

Numquam antè his oculis ta-  
 lia visa meis.

Et vanos Momi risus nihilomi-  
 nus audis:

SALA foris multum, nil Salis  
 intus habet.

Sic ego; sic Auctor: Si JOVA  
 charismata donat,

Quid vetat his focios velle juva-  
 re bonos.

B S

Num



Num melius pascunt sueto data  
pabula septo,  
Quam super occlusas accumu-  
lata trabes?

Horrea plena manu sine distri-  
buenta, gementem  
An sinerent macrâ morte pe-  
rire gregem?

Sic studio suppressa se habet Me-  
dicina Magistri,  
Usibus haut animo, quod va-  
let, illa valet.

Prodeat assuescit, quod & est,  
atq; expedit ad quid,  
Ars rarô præstat quid tumula-  
ta boni.

Et spes occultâ nulla est, mihi  
crede, medelâ

Spernere Lethæas posse Cha-  
rontis aquas.

Nempe



Nempe hac Jynge trahor, quod  
& Aurum profero in auram,  
Candidiore manu, candidiore  
fide,

Auri etenim hæc vis est ritè me-  
dicata, quod atras  
Ad tempus flectat, spe redeun-  
te, Deas.

Si quid Momus habet, quod car-  
pat, nil moror atqui

Fas est allatis ut meliora ferat.


Est ita, ita ô citius pergas, ita SA-  
LA falire

Angelus ad superos & potes i-  
re choros

D. ANDREAS TENTZELIUS  
Greufs: Medicus  
Schvvartzburgicus  
aulicus.

VII.





VII.

## SENARI.



*Quæcunq; Princeps Cœus arte  
Pæonis*

*Olim sacratis edidit Mysterijs;  
Quæcunq; alumnus Pergami volumine  
Enucleavit fusiore postmodum;  
Quæcunq; Chymica repperit Arabum  
Manus,*

*Et qui caminis assidens, candentium  
Tollit, reponit usq; carbonum strues;  
Industrij omnes insita auri commoda,  
Vires, medelas, apparatus promere,  
En hac libelli paucula verè aurei  
Chartâ explicavit, addiditq;, quæ ha-  
tenuis*

*Ignota cunctis, auspiciati nominis  
Cognominisq;, magnus ANGELVS  
SALA,*

*Saclo huic renatum germen Æsculapij.  
Abesto Livor, quæq; mentem obnubi-  
lat*

*Præ-*



*Praiudicata tollitor sententia;  
Iures licebit, cæteris quantum anteit  
Aurum Metallis, tantum & usu & in-  
geni  
Novis repertis praeminere hac omni-  
bus.*


*Scribebat*

CLEMENS OVERSCHYE

Doctor Medicus Haghæ-  
Comitis, suoq; S A L Æ, in vet-  
ris amicitia *τεκμήριον* hæc tran-  
mittebat.

---

IIX.



Ccum quem relegas be-  
nigne Lector,  
Habes Chrysologon no-  
vum libellum;  
Qui nunc post nitidos suos so-  
dales

In

In lucem egreditur favore S A-  
LÆ.

Hic quodcunque cohors vetu-  
stiorum

Auri de medico notavit usu,  
Qualecunque etiam recentiores  
Conscripsere boni atque succu-  
lenti,

Totum quicquid id est & univer-  
sum,

Pagellis ferè continet duabus.

Quare qui modico cupis labore  
Doctrinam tibi comparare fir-  
mam

Aut cui forte nimis videtur in-  
gens

Pandoræ liber, & tenebricosus,  
Hunc tantum tibi compara li-  
bellum,

Impendes precii minus simul-  
que


Quas



Quas veritas aliô frequentiores  
Aut planè vacuas habebis horas.

*In observantia & amicitia  
signum scripsit*

LUDOVICUS COMBACH  
M. D. & in aulâ Cas-  
sellanâ Medicus.



IX.

**S**ollicitè extrudunt sua Rha-  
psodemata passim,  
Scribendi vanum quos Ca-  
coëthes habet:

Furtivis miseras chartas centonibus im-  
plent,

Nominis ac fama prodiga turba  
sua:

*Qua*



Quæ nunquam didicere docent ; incer-  
taq̃ certis  
Ridiculam pol dant, ut coëant, ope-  
ram.

Tantus amor lucri ; & laudum vesana  
cupido;

Tam candoris egent, tamq̃ pudore  
vacant.

Odisti hos meritò fucos, vulgiq̃ pro-  
fani,

Sit protrita licèt, non placet ire viâ,  
SALA Machaonia decus immortale  
catervæ,

SALA idem Chymici gloria rara  
chori:

Emendicatis nec eget tua scriptio plu-  
mis,

Ornata ut proster, sufficis ipse tibi.  
Quinto jam lustro artifices struis impi-  
ger ignes,

Naturæ cæcos excutis atq̃ sinus:  
Intima perscrutans rerum penetralia,  
dotes

Cymmerijs medicas protrahis é late-  
bris.

Causas



*Causas morborum, & discrimina mente  
sagaci*

*Erui, atq; acri judicio trutinas:  
Insper ex hilaras miro medicamina  
cultu,*

*Vix quod morosus nauseet ager ha-  
bet:*

*Securas celeri ut decorans dulcedine cu-  
ras,*

*Punctum in Apollineis omne feras  
studiis:*

*Hinc licuit vitæ tibi sæpè extendere sta-  
men,*

*Et vacuo jussus lintre redire Charon.  
Hæc locuples ratione tibi experientia  
parta,*

*Arcanâ mentem cognitione beat.  
Has animi dotes Rhodanus miratur &  
Ister:*

*Sæpius & Rhenus sensit, & obstu-  
puit.*

*Quaę tener resonas propero terit impe-  
te rupes,*

*Quaę sacrum Bachi germen adul-  
tus alit,*

*C*

*Quaę*



Quaq; salum trifido senior iam murmu-  
re pulsans

Vires auriferi ridet opesq; Tagi;  
Fuldaq; collaudat placidus; celebratq;  
Visurgis;

Atq; iterum letis cornibus Albis  
ovat:

Quin & Sarmaticis rescissus Vistula  
campis,

Attonitus rapidas lentius urfit a-  
quas.

Miror & ipse tua rara hac molimina  
dextra,

Ingenij arcanas praedico divitias;  
Ast magis ingenuam in te exosculor,  
ANGELE, mentem.

Pectoraq; albinâ candidiora nive;  
Non arcana premis, claustrave recon-  
dis ahenis,

Nec verbis velas invidus ambiguus;  
Id tua scripta docent, claras in luminis  
oras

Didita tam faustis haecenus auspiciis.  
Iam veró aurificum damnosa anigmata  
solvis,

Et solitâ retegis dexteritate dolos;  
Extri-



*Extricans duplici Labyrinthi tadia  
filo,*

*Chymicus experiens, & ratione va-  
lens.*

*Perge Machaonias ornare fideliter ar-  
tes,*

*Sollerter chymicos perge polire focos  
Sic porro Heroum paries tibi, S A L A,  
favores:*

*Atque à Principibus munera larga  
viris.*


*Sic tibi crescet honos vivo, sic fulgida  
cæli*

*Nomen ad astra tuum postera secla  
vehent.*

HERMANNUS Westhoff/  
Lubec. Phil. & Med D.

---

X.

 *Ngenij genijq; bonis cultissime  
S A L A:*

*Qua vires AVRO : quave has  
ratione modoq;  
Eruat Ars Chemica, atq; humanis usibus  
aptet;*

C 2

Edocer,



Edocet, & fraudes hominum, qui errori-  
bus acti,

Ex Auro tentant frustra emulgere li-  
quorem,

Detegit iste liber, quem nunc felicibus  
astris,

Inq; tuas laudes, bonaq; in communia pro-  
fers.

Ne metæ Invidiam: quod in hoc re-  
prehendere possit,

Non habet Invidia: Aut, si fors tamen  
ausit ad uncas

Exserere heic unguis, fultus Ratione  
magistrâ,

Cui se non fallax sociam Experientia  
junget,

Disjicies vanos facto velut impete, bôbos  
Adsertor Veri. Tuaq; hæc dignissima  
cedro

Scripta, suum genium capient, ceu na-  
men, ab AVRO,

Atq; in te vivent, veluti tu vivis in illis.

L. M. Q.

F. Antonius Gunther Billig

Utr: Med: Licent: & Medicus

Oldenburgic: ordin: qui hanc

Chrysologiam ex Italica lingua in latin. traduxit

LECTORI



## LECTORI BENIVOLO.

S. Mirum tibi fortasse videbitur, Amice Lector, numerorum singularum paginarum rationem in Indice habitam, neglectam in ipso libello, idq; propter nimiam Typographi festinationem. Cui difficultati ut obviam eatur utrum tibi ex duobus hisce placeat, ipse despicias: aut enim eam pagellam quam Index designat, à prima incipiendo & ordine numerando quæsitam invenies: aut quod etiam in posterum profit, tantum laboris sumes, & suum cuiq; columnæ numerum haud gravatim inscribes, quod in opusculo non maximo, ut vides, neq; valde difficile, & haud parum conducibile tibi erit. Vale.

## INDEX IN CHRYSOLOGIAM.

### A.

<i>Auri ens primum.</i>	17
<i>Auri perfectio à quibus causis</i>	27
<i>aur. in principia sua arte separari nequit</i>	30. 100
<i>aurum sive igne sive corrosivis quomocumq; immutatum semper reductile est.</i>	56
<i>aur. magneticè actuatur à calore nostro</i>	81. 85
<i>auri calx reductilis</i>	45. 47. 49.
<i>fusilis.</i>	49
<i>aurum calcinatum non est sincerum aur.</i>	49
<i>auri calcinati color, levitas sapor.</i>	48
<i>aurum nihil in se habet per se potabile</i>	31
<i>aurum potabile veterum quid sit</i>	88
<i>Irreductile est respectu caloris nostri.</i>	90
<i>non est universalis medicina</i>	98
<i>aurum in melleam consistentiã redactum nihil aliud est quam auri magisterium.</i>	65



<i>auri essentia sec. Fr. Ant. non est coloris aur.</i>	61
<i>aurum tincturâ caret qua arte educi possit.</i>	68
<i>auri elevatio per alembicum non adeo difficilis chymico experto.</i>	68
<i>auri magisterium quodcumq; interdum nocere potest.</i>	102
<i>Attenuatio sive subtiliatio secundus chymiatría scopus.</i>	3. 5.
<i>Attenuatio pro pulveratione sumitur</i>	50
	C.
<i>Calcinatio propriè dicta.</i>	37
<i>impropriè dicta.</i>	38
<i>calcinatio auri impropria est.</i>	40
<i>quomodo fiat.</i>	43
<i>Chalybs à calore nostro magneticè actuari po- test.</i>	79
<i>Colores varij oriuntur ex unione volatiliū &amp; fixorum.</i>	70. 71
<i>Colores omnes in hydrargyro conspiciuntur.</i>	19
<i>Corrosiva alia noxia, alia innoxia.</i>	41. 93
<i>Crystall9 à calore nostro magneticè actuatur.</i>	79
	D.
<i>Destructio imperfectorum metallorum non nisi per ignem fieri potest.</i>	E. 46
<i>Exaltatio seu sublimatio tertius Chymiatría sco- pus.</i>	F. 3. 6.
<i>Forma metallica.</i>	87
<i>Franc. Antonius opinatur se posse aurum verè destruere.</i>	54
<i>Sibi contradicere</i>	57
<i>videtur esse homo callidus.</i>	76



**E.**

*Hermetici & celeberrimi.* 97

*Hydrargyri omnes in se colores continet.* 19

*omnium metallorum principium est.* 19. 21

*in auro predominatur.* 21. 25

*& qualitates primas præ reliquis corporibus manifestè exhibet.* 26

*interius vehementer calidus est.* 23

**I.**

*Ignis quivis corrosivo potentior est.* 46

**L.**

*Lapis Lazuli à calore nostro magneticè actua-  
tur.* 79

*Luna frigoris & humiditatis causa est.* 84

**M.**

*Magisterium auri* 65 *Plumbi.* 96

*Magnes à calore nostro magneticè actuator.* 79

*Medicamenta quædam à calore nostro magneti-  
cè actuantur, ipsa non transmutata vel dige-  
sta.* 79

*Metalla non per corrosiva sed per ignem destrui  
possunt.* P. 46

*Paracelsus Chymiatricorum princeps.* 2

*metallorum natura peritissimus.* 18

*Peripateticorum auctoritas adducitur.* 26

*Potabiles substantia aut per se tales, aut addita-  
menti merito.* 29

*Potabile in auro nihil,* 31

*Principia tria vegetabilium & animalium, prorsus principia mineralium, & hæc in illa nullo modo transmutabilia.* 7. 10.

*in q. 15, & 31.* Re-




<i>Reductilitas &amp; irreductilitas vel simpliciter, vel respectu caloris ventriculi nostri dicuntur.</i>	90
<i>Reductio magisterij plumbi</i>	72
<i>Sal verus &amp; corpus sub salinâ formâ latens differunt.</i>	15
<i>Salis proprium vitrificabilitas.</i>	14
<i>Sales mineralium aquâ insolubiles.</i>	14
<i>Separatio primus Chymiatricæ scopus.</i>	3 4.
<i>Separationis exempla.</i>	3. 4.
<i>Sol caloris &amp; siccitatis causa.</i>	84
<i>Solutio, vel est integri solutio, vel contenta in integro substantia extractio.</i>	53
<i>Spagyrica ars quid sit propriè.</i>	3
<i>eius tres scopi.</i>	3. 4.
<i>Subtilizatio sive attenuatio scopus chymiatricæ secundus.</i>	6
<i>Sublimatio quid.</i>	6
<i>tertius chymiatricæ scopus.</i>	3
<i>Symbolismus Auri cum sole.</i>	82. 83
<i>Terra mineralis vitrioli &amp; aluminis.</i>	4
<i>Tinctura propriè dictæ criterium.</i>	75
<i>Tinctura interdum apparens, non vera est, cum menstruum colore soluti tingitur.</i>	70
<i>Tinctura apparens auri.</i>	68.
<i>Plumbi.</i>	71
<i>Transsubstantiatio arti Chymicæ impossibilis.</i>	7
<i>Vini spiritus spirituum acrim odores emendat.</i>	

#### *CORRIGENDA.*

Pag 8. lin. 3. lege absurditate, p. 33. l. 12. lege tincturam. p. 41. l. 10 lege fortium, p. 51. l. ult. lege ulterius p. 118. l. 17. lege auri. Reliqua cum magno momenti non sint, æquus Lector facile commendabit.





ANGELI SALÆ VICEN-  
TINI VENETI CHY-  
MIATRI,

CHRYSOLO-  
GIÆ

Sectio prima,

CAPUT I.

*De natura Artis Spagyricæ, deq; ejus  
Potentiâ & Terminis, quibus omnes  
in universum ejusdem operationes  
circumscribuntur.*

**Q**uum propositum nobis  
sit hoc libro agere de ma-  
teriâ, quæ ab evidenti exa-  
mine & demonstratione Artis  
spagyricæ tota propemodum  
pendet: non equidem nullum  
D ope-



operæ precium sumus facturi,  
si huius ipsius naturam initiò  
paullo altius à sua origine ar-  
cessamus. Est enim hoc to-  
tius operis quoddam quasi fun-  
damentum futurum, quo pri-  
mum jacto in progressu dein-  
ceps de quæstionibus contro-  
versis iudicium facilius fieri po-  
test; prorsus ut in aliis Disci-  
plinis omnibus usu venire vi-  
demus: in quibus, si quæ nasci-  
tur controversia, eam ex cujus-  
que disciplinæ principiis decidi  
oportere, in confesso est apud o-  
mnes.

Constat autem ex Paracel-  
so Chymiatrorum facile princi-  
pe, quod Ars Spagyrica sit illa  
Chymiae pars, quæ pro subjecto  
habet corpora naturalia Vege-  
tabilium videlicet, Animalium,  
ac



ac Mineralium : in quibus quic-  
quid operatur, id ad utilem in  
Medicina finem tendit: quo sensu  
quibusdam etiam Chymiatria si-  
ve Chymia Medicinalis dicitur.

Multiplices illa habet ope-  
randi modos, variasque enchei-  
reses exercet, quæ tamen in uni-  
versum omnes ad tres præcipuè  
scopos collineant: nimirum I. ad  
SEPARATIONEM. II. SUB-  
TILIATIONEM, ac III. SUB-  
LIMATIONEM sive EXALTA-  
TIONEM.

Ac primo quidem *Separare*,  
est dividere, dispartiri & resolve-  
re corpora in diversas substan-  
tias ex quibus naturaliter sunt  
composita. E. G. ex omnibus  
Vegetabilibus & Animalibus,  
Bitumine, item, Asphalto,  
Succino, Gummatibus, Resinis, &c.



separat artifex spagyrius, Aquam,  
Oleum, Tincturas, Extracta, sales  
cum volatiles, tum fixos: Ex Co-  
rallijs, Perlis, Matreperlarum, & a-  
liis consimilibus separat similiter  
partem quandam aquosam, simul  
& oleosam relictâ calce albâ & le-  
vi: Ex salibus reparat, Spiritus  
Acidos & Solventes, relictâ par-  
te aliquâ illorum terrestri: Ex  
Alumine ac Vitriolo similiter spi-  
ritus acidus protrahit, relictâ ter-  
râ utriusque minerali: Ita quo-  
que ex Sulphure spiritum fuligi-  
nosum salinum separat, qui per  
haustam â circumfuso aëre humi-  
ditatem abit in liquorem acidum,  
ardere nescium, minus propriè  
Oleum sulphuris vocatum: Ex  
Auripigmento, Antimonio, Mar-  
kasitis, Plumbo Stanno, Cupro,  
Ferro, aliisque præterea corpo-  
ribus



ribus Metallicis , quæ quidem  
in igne consumi possunt, sepa-  
rat substantias Mercuriales &  
Sulphureas in forma fuliginis  
sive pulveris subtilissimi , aridi,  
& sicci, relictis illorum cineribus  
& salibus fixis, qui neque sapore  
præditi sunt, neque in aqua so-  
lubiles.

II. *Subtiliare* sive *adtenuare* di-  
citur ars spagyrica, quando dis-  
solvit, dilatat, & discontinuat  
soliditatem, compactionem, &  
fixitatem corporum Metallico-  
rum & Lapideorum, interventu  
humoris cujusdam acidi & sol-  
ventis, atque ita illa redigit in  
formam magis subtilem & pene-  
trabilem, pristinaeque multum  
dissimilem: eamque vel liqui-  
dam, vel salinam, quæ facilimè  
dissolvatur ac diffuat in quo-

D 3      cunq;



cunque liquore aquoso, non minus quam vel Saccharum, vel Sal: vel pulveream etiam. Possêt quidem hæc eadem operatio etiam Coniunctio dici, siquidem per eam volatile cum fixo, liquidum cum solido, & corporale cum spirituali coniungitur: Verum propriissime non nisi Sublimatio vocanda est.

III. Deniq; *Sublimare* artem dicimus, quando vel separatas dictorum corporum, Substantias, vel corpora solida adtenuata rectificat, & ad nobiliorem puritatis, subtilitatis, & perfectionis gradum elevat.

Ex quibus satis, opinor, apparet, quod omnia Medicamenta Chymica sint, aut Substantiæ separatæ seu extractæ ex supradictis corporibus; aut Magisteria, id est



est corpora solida per forinsecus  
accedens additamentum adte-  
nuata. Addimus & hoc, Artis vi  
effici non posse, ut una substan-  
tia transmutetur in aliam, id est,  
ut substantiæ Mercuriales aquo-  
sæ, Sulphureæ oleosæ, & Salinæ  
revera falsæ & solubiles Vegeta-  
bilibus & Animalium similes  
fiant Substantiis Mercurialibus  
& Sulphureis fuliginosis & ter-  
restribus, salibusque insipidis &  
insolubilibus Corporum Metal-  
licorum: ac econversô horum  
substantiæ similes Vegetabilibus  
& Animalibus, utque in unum  
omnia conferam, non potest ars  
reapse transubstantiare lapidem  
in aquam: Ista enim metamor-  
phosis miraculi loco sit futura,  
non ab artis potestate pro-  
fecta putanda. Et, si quis aliter

D 4      affir.



affirmet, nisi ab ignorantia sua  
patrocinium petat, nihil profe-  
cto eum ab extrema surditate  
defendere queat. Atque sic qui-  
dem quæ nam Artis spagyricæ  
fundamenta sint, quæ bales, ter-  
mini, pomæria, breviter declara-  
vimus: ex quibus de quæstioni-  
bus in chymia controversis judi-  
cari debet, siue ex anatomiam  
alicujus corporis, siue ejusdem  
subtiliationem concernant.

## CAPUT II,

*De essentia, consistentia, & forma sub-  
stantiarum Metallicarum.*

Quamquam suprâ obiter  
de forma & consistentia  
substantiarum Metallicarum e-  
juscemodi mentionem injeci-  
mus, ut iis, qui artis & natu-  
ræ me-



ra metallorum non penitus sint  
ignari, potuerimus satisfacisse,  
neque opus proin videatur, plu-  
ra in hanc rem verba facere: Ni-  
hilo tamen minus, quum res sit  
maximi in Chymia momenti,  
cujus exactissimam rationem  
habere oporteat Chymiatrum,  
qui cum ratione in artis operibus  
versari velit; non possumus non  
prolixiorē de ea tractationem  
instituire.

Quod si ergo penitus in-  
consistentiam ac formam sub-  
stantiarum Metallicarum intuea-  
mur, deprehendemus profecto,  
non minus has à substantiis ve-  
getabilium ac animalium differ-  
re, quam terram ab aqua. Huius  
pronunciati veritas patebit, si eas  
inter se contulerimus: facto abs  
Mercurio sive parte rerum aquo-  
sa ini-

D S

sa ini-



fa initio. Sumat quis e g. Argē-  
tum vivum, quod ex sententia  
Hermeticorum est Aqua Me-  
tallica, & ipsius essentiam, for-  
mam, & consistentiam cum  
Aqua cuiusvis Vegetabilis aut  
Animalis comparet; Deum  
immortalem quanta dissimili-  
tudo, quanta inæqualitas ac di-  
sparitas primo statim intuitu u-  
trinque sese obferet! Aqua e-  
nim Vegetabilium ac Anima-  
lium deprehendetur levis, rara &  
transparens: Argentum vivum,  
è contrario solidissimum, den-  
sissimum, gravissimum, & inita-  
mensuræ ratione, decuplo fere  
aliis aquis ponderosius. Quod  
qualitates porrò alias adtinet,  
Argentum vivum non made-  
facit digitos, nullam frigoris  
ym aut congelationem expe-  
ritur,



ritur, neque temporis injuriâ &  
longitudine corrumpitur aut  
mucescit, quæ aliis aquis obtin-  
gunt omnia.

Sic Sulphur Minerale Re-  
fina illa sive Axungia terrestris,  
cum Sulphuribus Vegetabilium  
ac Animalium hoc ferè solum  
commune habet, quod instar  
rei oleosæ & pinguis, in igne  
reapte comburatur: Cætera,  
immane quantum differat à  
Resinis, Axungiis, Oleis aut  
Substantiis Sulphureis Vegeta-  
bilium ac Animalium! Has e-  
nim, quis non videt esse leves,  
aque innatantes, unctuosas, si  
tangantur, corruptioni deniq; &  
situi obnoxias, quum Sulphur  
Minerale contrario sese modo  
habeat? Lapidis enim instar pon-  
derosum est, & in aquam pro-  
jectum



jectum derepentè fundum petit,  
aridum & siccum, nec digitos  
imbuit, tantumque abest, ut  
corruptioni subjaceat, ut non  
sefe solummodo ipsum semper,  
sed & alias res, ut ligna, quam di-  
utissima à corruptione fartas te-  
ctas conservet. Differentia quin  
etiam horum ex eo efflorescit,  
quod ex sulphure minerali ne-  
queat Oleum sive liquor verè o-  
leosus & pinguedinosus prole-  
ctari, contra quam fit ex aliis re-  
bus Sulphureis. Hæ ipsæ etiam,  
si comburâtur, fuliginem quam-  
dam nigram in altum emittunt,  
quæ recollecta, instar subtilissimi  
pulveris de carbonibus, denuò  
conflagrare apta nata est: Sul-  
phur vero minerale exustum fu-  
liginem quamdam candidam,  
eamque acerrimam, & nares im-  
penfe



pensè vellicantem ex sese effundit; quæ ipsa modo supra explicato in liquorem fathiscit, igni extremè contrarium.

Denique inter cineres corporum Metallicorum & Aliorum, non minor diversitas occurrat, eos inter sese accuratius conferenti. Si quis enim pro Exemplo accipiat cineres Antimonij, Markasitarū, Plumbi, Stanni, &c. qui post cuiusque horam in igne vehementissimo anatomiam, & ablationem partium Mercurialium & Sulphurearum residui facti sunt: videbit liquidissimo, in quo hisce conveniat, cum Cineribus Vegetabilium & Animalium, vel nihil esse, vel nimis quā parum. Etenim Vegetabilium animaliumq; cineres sunt leves, & ex illis lixivium confit, per quod



quod Substantia falsa & in a-  
qua solubilis extrahitur. Ci-  
neres vero metallici multo vi-  
suntur ponderosiores; Ac Sa-  
les quidem hi suorum corpo-  
rum sunt, non tantum per de-  
finitionem Salis Paracelsicam,  
quæ illis ad amissim compe-  
tit; sed & per id, quod facili  
negocio fundi, & in vitrum, ex-  
perientiâ teste, duci queant,  
quod ipsum Salis proprium ef-  
se in quanto, uti loquuntur,  
modo, quivis per se facile in-  
telligit: Interim tamen etiam si  
illi ipsi cineres Metallici vel per  
integrum annum in aquâ ma-  
cerarentur, ne atomus quidem  
Salis verè falsi inde extrahe-  
retur. Non sum nescius, repe-  
riri, qui beneficio aceti destil-  
lati aut alijs alterius liquoris,  
acidi,



acidi, istiusmodi salem elice-  
re glorientur: Sed & hoc  
scio, oppidô tum falli ipsos,  
tum alios æquè fallere. Nec  
enim quod ipsi pro Sale ob-  
trudunt, id reverâ horum cor-  
porum sal est; Sed Spiritus  
Solventium, qui cum parte ci-  
nerum Metallicorum coalue-  
runt in istiusmodi massam sa-  
linam; Vulcano teste, qui Spi-  
ritus coagulatos segregare rur-  
sus potest à cineribus Metalli-  
cis, sic ut hi ad solidam suam &  
in aqua indissolubilem for-  
mam & consistentiam, spiriti-  
bus destituti, redeant. Unde  
breviter colligere est, ut Me-  
talla in prima suâ origine dubio  
procul ex Substantiis elemen-  
taribus spirituosiss, & mollibus,  
dicantur



dicantur procreata: minime tamen propterea statuendum esse, istas substantias tales, quales initio fuerint, deinceps perstitisse, sed accedenti longâ diutinaque digestionem, mixtione, & coctione à calore naturali subterraneo celebrata, aliam & priori longè dissimilem, consistentiam, dispositionem, & qualitatem, uti hactenus demonstravimus adquisisse.

### CAPUT III.

*De substantiali compositione Auri, deq̃ causa compactionis eiusdem, ponderositatis, ac durabilitatis in igne.*

**D**Emonstraturi, quo usque ad Aurum medico usui accommodandum Artis Spagyricæ potentia sese extendat, nolumus curiosè inquirere, qualis  
nam



nam res Aurum in primo suo ente extiterit, & num materia mollis & spirituoſa antè fuerit, quam ad veram conſiſtentiam metallicam devenerit. Iſtiusmodi enim profundam, obſcuram ac intricatam quæſtionem, iis qui ob lapidem Philoſophorum folles noctes diesque motant, & metallorum tranſmutationi inhiant, relinquentes, id ſolum excutiemus, in quonam tum compoſitio, tum excellentia auri conſiſtat, poſteaquam jam à naturâ coctū ſit & elaboratum, inque verum viſibile & tangibile metallum formatum.

Statuendum ergo eſt, id quod nemo etiam negare vel debet vel poteſt, Aurum, quia metallum ſit, neceſſariò etiam tribus iſtis ſubſtantiis metallicis communi-

E bus



bus ad cæterorum metallorum  
compositionem concurrentibus;  
constare. Substantias verò istas;  
eo se modo habere, quem capi-  
tè præcedenti explicuimus Nunc  
ut res clarior & evidentior eva-  
dat, visum fuit, adducere ali-  
quot sententias Paracelsi, qui  
veluti metallorum naturam, si  
quisquam alius, fuit doctissi-  
mus, ita totum hoc, quod de  
compositione metallorum scitur  
necessarium est, in suis scriptis  
plenè planeque est persequutus.

Primò, quantum mercurii  
sive argenti vivi in metallorum  
omnium compositione concur-  
sum attinet, de eo scribemus ver-  
ba eius clarissima ex lib. 2. de ge-  
neratione rerum : *Nec minus ve-*  
*rum est (inquit) quod mercurius vivus*  
*mater*



*mater est omnium septem metallorum,  
& rectè mater metallorum vocari debet.  
Nam veluti is in se habet omnes colores,  
quos in igne de se videndos prabet : Ita  
etiam abscondita in se habet omnia me-  
talla, quæ & ipsa extra ignem de se non  
prabet.*

*In coelo suo Philosophorum  
Regula primâ de mercurii na-  
turâ & proprietate : Omnia  
sunt in omnibus abscondita : Unus ex illis  
omnibus est eorum absconditor & corpo-  
rale vas externum visibile & mobile.  
Fluxus omnes manifesti sunt in vase  
hoc. Nam vas hoc corporeus est spi-  
ritus. Quare omnes coagulationes & fi-  
xiones in ipso captivæ sunt & conclusæ,  
cum fluxu adeptæ, circumdatæ & con-  
prehensæ, &c.*

*In Thessalo 2. hoc est de  
gradibus & compositionibus ca-  
pite 10. Mercurius inter metalla  
supremus est, & corpus quoddam re-  
rum substantialium in quatuor istis ele-  
mentis. Ille ipse etiam singularem sibiq;*

*E 2*

*pro-*



propriam in se naturam habet frigidam  
& calidam, & illa adimi ipsi nequit.  
Et paulo post: Si jam ex illo genera-  
tur metallum; videlicet ex mercurio  
corporali, per transmutationem Archæi  
in ferrum sive plumbum, aurum, aut  
argentum, tum simul cum hisce naturis  
adsument aliam novamq; complexionem  
sine perditione aut destructione comple-  
xionis prioris: Et ita duæ naturæ erunt  
in una substantiâ, ex solis viribus mers-  
curij cum unione sulphuris & salis: Qua-  
re ulterius plumbum loco mercurij esse  
potest aut argentum aut aurum, &c.

In Scholiis in lib. de gra-  
dib: & Composit: Medicam:  
Unumquodq; Metallum est Mercurius  
coagulatus.

Lib 3. de Morbis Mineralib:  
cap. 2. Unumquodq; coagulatum Me-  
tallum in se habet naturam Mercurij:  
Sed quia coagulatum est; ideo ista vis  
numquam ibi est. Nam in mediâ gene-  
ratione, & usque ad mediam genera-  
tionem omnia metalla sunt Mercurius.  
Et paulo inferius: Ideo notanda hic  
est



est differentia, si de Mercurio dici debet, natura hæc, quod non perfecte generetur: Sed servat in se naturam & proprietatem vivam & essentialem quam reliqua metalla mortuam in se habent.

Tractatu primo de mineralib.  
Ita etiam est metalli natura, quæ neq; malleo tractari potest, neq; fundi, & est mineralis aqua metallorum: Veluti alias aqua subest rebus aliis, ita hæc metallis. Et in eodem capite: Nam mirabilis eius natura multiplex est, nec parvo labore investigabilis.

Hæc hæctenus de generali concursu argenti vivi ad productionem metallorum Paracelsus: De eiusdem porrò speciali in Auri compositionem ingressu, notari possunt, quæ sequuntur.

De cœlo Philosophorum c. 3.  
Septimum Metallum ex sex istis fluxum, corporaliter est Aurum, & in se ipso nihil aliud est quam purus ignis. Quod vero ab extrâ pulcrum, flavum, visibile, tangibile, ponderosum frigidum, & solidum



dum corpus visitur & sentitur, causa est,  
quod coagulationem reliquorum sex me-  
tallorum in se habeat, quâ cum compa-  
ctum & comprehensum est in corpus ex-  
ternum. Quod verô ab elementari i-  
gne funditur, ratio hac est, quia fluxum  
habet à mercurio, à pisce, & aquario  
spiritualiter in ipso absconditis. Quod  
etiam externè hic deprehenditur, quia  
mercurius promptissimè auro adharet,  
ipsiq; permiscetur corporaliter.

Lib. 3. de Morbis Mineralib.  
cap. 2 Aurum tantum est mercuri-  
us.

Quia verô, quando in textu  
præallegato aurum in seipso di-  
citur nihil esse aliud, quam me-  
rus ignis, dubium suboriri cui-  
piam possit, ad qualitatem  
mercurii respicienti, qui frigi-  
dus vulgò judicatur: Ideò non  
abs re fuerit videre, quomo-  
do ipse auctor hîc sese expli-  
cet, libro de cœlo Philosoph:  
Ubi



Ubi de qualitatibus mercurii a-  
gens : *Victi sunt, inquit, qui de  
mercurio statuunt, quod humida aut  
frigida natura sit, aut esse debeat; quod  
non est. Verum immensi caloris & hu-  
miditatis plenus est, qui calor & humi-  
ditas naturâ i si inest, causa perpetui  
fluxus, in quo est : Nam si frigida  
& humida natura esset, aqua congela-  
ta similis esset, oportet, & semper fixus  
& durus maneret, & primô per calo-  
rem ignis, ut alia metalla, in fluxum  
adduceretur. Hoc autem non opus ha-  
bet, quia fluxum suum jam ante â ca-  
lore habet, qui eum in fluxu detinet,  
â quo semper debet vivere, & non  
mori, neque immobilis fieri, neque con-  
gelari, &c.*

Quod verô argentum vivum  
vehementi calore interno pol-  
leat, non uno argumento collis-  
gitur. Primô enim si ad de-  
bitum tempus in peculiari vitro,  
satisque intenso arenæ calore de-

E 4 tinca-



tineatur, liquidò constiterit, hanc  
suam formam nobilem & liqui-  
dam mutari in pulverem coloris  
sanguinei, physicum complexio-  
nis igneæ indicium. Deinde iste  
pulvis internè datus, aut externè  
in usu Cheirurgico adhibitus, ef-  
fectus rei, non frigida, sed calida  
habet. Neque tamen propterea  
negat Paracels: quin frigida et-  
iam naturæ sit Mercurius, habito  
nimirum respectu ad qualitatem  
eius externam; quin potius hoc  
ipsum elegantissimè confirmat  
Tractat. 2. de Morbis Mineralib.  
c. 2. *Ita etiam hoc est in hyeme terra quæ  
sola est Mercurius vivus, hoc est, Ar-  
gentum vivum: ille, quæ omnes pro-  
prietates Luna est & quæ omnem natu-  
ram hyems. In ipso jacent omnes stellæ  
hybernae, naturæ hyemalis, & quod ad  
hanc rem facit. Et paullò ulterius:  
Nam Mercurius secundum suam natu-  
ram*



*ra rectius vocaretur Luna, recte hyems,  
recte nox, frigus, glacies: Verumtamen  
quia non est compactus, sed metallum  
apertum nomen ejus manet.*

Hasce sententias hoc in nego-  
cio adscribere libuit: ex quibus o-  
mnibus satis superque videre est,  
Paracelsi velle, Aurum ex metal-  
licis substantiis, ipsi cum reliquis  
metallis communibus, compo-  
situm esse. Quarum licet princeps  
sit & præcipua mercurius, per  
hoc tamen non stat, quin reliquæ  
etiam duæ, sulphur nempe, & sal,  
mineralia, admitti unà debeant,  
quum is sine horum interventu  
soliditatis & compactionis me-  
tallicæ nequeat fieri particeps, id  
quod non uno in loco Paracelsi  
in suis scriptis declarat.

Quod porrò in auro mercu-  
rium prædominari dicimus, ne-

E S mini



mini mirum videri debet , sententiam saltim consideranti Philosophorum Peripatheticorum, qui perfectionem auri esse statuunt à conjunctione quatuor elementarium qualitatum , perfectissimè invicem combinatarum. Materiem quidem ipsam in specie non exprimunt : Sed nos nullam mercurio in universâ rerum naturâ aptiorem melioremque dari credimus , quippe in quo , ut ostensum hactenus , quatuor istæ qualitates, aquæ scilicet & aëris quoad extrâ , internè verò terræ & ignis , omnium quasi oculis clarissimè subiiciantur , quæ ipsæ amplius ita unitæ , ita invicem concathenatæ sunt, ut, licet mercurius corpus mobile , metallumque inchoatum & immaturum



rum sit, nequaquam tamen pro-  
pterea ignis vi dividi & dissolvi  
queat, quin semper artifex eum  
in naturalem suam consistenti-  
am retrahat.

Cæterum, quod aurum sit  
tam compactum metallum, ma-  
gis quam alia omnia; quod in-  
star solis splendeat; spurcitiei  
odorisque omnis expers & ab  
omni parte temperatum; quod  
item quemcunque ignem trium-  
phet, ac rubiginem nesciat: id  
duabus potissimum causis acce-  
ptum est referendum. Prima au-  
ctore Paracelso (*Tractat. 1. de Mi-  
neralib. cap. 2. de Procreat. Metallor.*)  
est, quod substantiæ auri, mer-  
curius scilicet, sulphur & sal,  
sunt à naturâ exquisitissimè de-  
foecata, depurata, & ab omni  
mate-

materia corruptionis capace se-  
questrata. Altera causa est, ea-  
rumdem substantiarum conjun-  
ctio, unio, & combinatio arctis-  
sima, per longam ac diutinam e-  
amque accurratissimam conco-  
ctionem facta, sine interventu a-  
licujus rei, quæ qualitatibus ipsa-  
rum adversetur: Unde nulla in-  
ter eas diversitas animadvertitur,  
sed una substantia, non tres esse  
videntur. Et hæ sunt causæ qua-  
litatis, temperamenti, &  
excellentiæ ipsius  
Auri.

CAPUT



## CAPUT VI.

*In quo disquiritur, an ex Auro possit elici substantia bibi apta.*

**I**Nitiô præmittimus, quod omnes in rerum naturâ substantiæ potabiles, in duplici differentiâ constituentur: Aut enim sunt actu, inque se ipsis liquidæ: Ut liquores tam oleosi, quam aquosi: aut sunt potentiâ liquidæ, live ex accidenti, videlicet per additamentum; ut est substantia rerum salina, quæ etsi non sit actu liquida, neque proin per se bibi possit; quia tamen in liquoribus aquosis liquatur, penitusque diffuit, ut tum non aliam quam liquoris formam præ se ferat, non refragantur Chymiatrī, quin suo quoque modo potabilis hæc adpellatur.

Jam



Jam si quis scire velit , num  
ex auro huiuscemodi substan-  
tiarum aliqua educi queat ; is  
duo consideret : Ipsam vide-  
licet naturam auri , & deinde  
artis spagyricæ potentiam. Quo-  
ad primum , si quæ de substanti-  
arum metallicarum forma &  
consistentia hætenus exposui-  
mus , repetantur , simulque ad  
perfectam maturationem &  
compactionem , quam eadem  
substantiæ in compositione au-  
ri nactæ sunt , respiciatur ; nul-  
lo profectò negotio colligi po-  
test , eius quidem substantiæ ,  
quæ secundum dictorum mo-  
dorum alterutrum potabilis nun-  
cupari debeat , nihil in auro re-  
periri.

Ars verò ipsa substantias cor-  
porum divisibilium separare  
qui-



quidem potest, easque in actum,  
idque in tali consistentiâ , qua-  
lem naturâ suâ obtinet, educere :  
Verùm , ut suprâ quoque dixi-  
mus, haut quaquam valet trans-  
mutare substantias fuliginosas,  
aridas ; & siccas in substantias li-  
quidas , aquosas , & oleosas ;  
nec vice versâ has in illas ; Vn-  
de facile intellectu est , etiam-  
si maximè chymia posset cor-  
pus auri dividere , & ex eo sub-  
stantias , quibus constat , sepa-  
rare , veluti facit in Plumbo, Cu-  
pro , Stanno , Ferro , Antimo-  
nio, Markasitis, &c. Quod ta-  
men proptereâ illæ ipsæ sub-  
stantiæ â suâ naturali aridâ &  
ficcâ consistentiâ , in aliam hu-  
midam & potabilem minimè  
gentium essent abituræ ; non cer-  
tè magis, quam aliorum corporû  
mine-



mineralium supra nominatorum  
substantiæ, quæ, experienciâ te-  
ste, aridæ semper sunt & siccæ,  
neque in aquâ simplice ullo mo-  
do liquefiunt. Quin potius ve-  
risimile est, substantias auri sepa-  
ratas, tanto solidiores & fixiores  
futuras, quantô id præ reliquis  
hisce corporibus solidius, com-  
pactius, fixius, ac ponderosius  
corpus nactum est. Tantum et-  
iam abest, ut ars ex auro substan-  
tiam quamdam liquidam & po-  
tabilem, tam longè à naturâ auri  
dissitam, eliquare valeat, ut ne-  
quidem in istas, quibus naturâ  
conflatum est, substantias illud i-  
psum rescindere potis sit. Vanis-  
sima ergo est hæc de substantiâ  
potabili ex auro secernendâ per-  
suasio, quæ multorum quidem a-  
nimos occupavit, sed à veritate  
est




est alienissima; id quod in genere haftenus demonstratum, sectione sequenti specialius, producto in medium exemplo, sumus confirmaturi.

# CHRYSOLO- GIÆ

## Sectio Secunda,

Qua indestinctè & accuratè examinatur processus Chymicus *Francisci Antonij Londinensis, Doctoris Medici* quo Essentiam & Realem tracturam ex auro se extrahere gloriatur, vendens indies & dispensans sub isto nomine duo medicamenta.

 Atis hodiè duobus medicamentis, quæ pro veris ex auro substantiis vendit ac dispensat, per universam ferme Europam innotuit *Franciscus*  
F An-



*Antonius Londinensis Doctor Medicus;*  
Cuius famæ & existimationi ne-  
que nos invidemus, utpote qui-  
bus cum personâ ipsa nequa-  
quam litem esse sanctè proteste-  
mur. Rem ipsam spectamus:  
in qua ut cum eo sentiamus, non  
possumus, veritatis vi adacti, à  
nobis impetrare. Quin potius;  
ut eorum, quæ præcedenti secti-  
one adtulimus, magis magisque  
inclarescat veritas, & dubitandi  
omnis occasio præcidatur, nihil  
vel præter rem vel iniquè feceri-  
mus, si errorem eius, quem pu-  
blicè non disseminare tantum;  
sed & editâ Apologiâ strenuè de-  
fendere conatus est, publicè quo-  
que detegamus & detrahimus  
ipsi larvam hanc, quâ speciosè  
tectus, toti imponit mundo. Se-  
quemur autem pressò pede eun-  
dem



dem ordinem, quo libri sui *Me-*  
*dicina Chymica*, & *veri potabilis auri*  
*adfertio*, dicti, capite quarto, proces-  
sum suum ipse auctor describit;  
Quumque is tribus distinctis o-  
perationibus i. videlicet *Auri cal-*  
*cinatione*, 2. *eiusdem calcinati solutio-*  
*ne*, 3. *denique tinctura ex eodem disso-*  
*luto extractione* contineatur; Nos  
quoque tribus hisce partibus  
secundam hanc sectio-  
nem absolve-  
mus.

F 2      PARS



## PARS PRIMA,

### *De Calcinatione Auri.*

**E**Am quidem hunc in modum describit noster: Corpus auri solidum indiget preparatione longâ, atque operatione continua: ut primò calcinetur postea solvatur. Calcinarum enim corpus quod solidum prius erat, jam discontinuum evadit & veluti impalpabile quoad tactum, magis quam prius solutionis susceptivum. Non calcinatum solutioni nimis erit contumax. Neque tamen cum rebus corrodentibus, aut humana natura infestis calcinationem moliri debemus: Ut vulgò fieri solet per aquas (nimirum) fortes ex Vitriolo, Alumine, Nitro, & similibus. Ablutiones enim licet vigesies repetantur, venenatas impressiones aquarum fortium auferre nequeunt. In verâ ac philosophicâ calcinatione, nulla recidiva sunt cruditates, aut venenata impuritates, vomitionum, resolutionum, palpitationum cordis procreatrices. Cavendum semper ne ex huiusmodi malitiâ



*tiâ aliquid in medicando damni patiamur.*

Hæc hæctenus de calcinatione  
Antonius noster : Circa quam  
tria movemus 1. quid per calci-  
nationem philosophicam intelli-  
gat : 2. An in istâ calcinatione  
Auri forma penitus destruat<sup>r</sup>ur?  
3. Denique annon in eâdem cal-  
cinatione accedat ad aurum res  
quædam peregrina , per quam  
simplices istius qualitates alte-  
rentur?

Quod *primô* calcinationem i-  
psam adtinet, eius duplex est a-  
pud chymicos significatio : Pro-  
pria videlicet, & impropria. Pro-  
priè calcinatur corpus minerale,  
quando mediante igne solo, hu-  
midis suis & glutinosis substan-  
tiis privatur , inque cinerem seu  
calcem levem & aridam redigi-  
tur,



tur, ita, ut redintegrari; ac in primam suam formam reduci nequeat Exemplum vulgô obviū est in calce lapidum, quā utuntur cæmentarii : quæ istis suis substantiis ignis vi destituta, in formam lapidis pristinam omnino est irrevocabilis. Impropiè vero calcinari dicuntur eadem corpora mineralia, quando interveniente aliqua materiâ acri & falsâ, per viam vel solutionis, vel reverberationis, discontinuantur, & in subtilissimum, tenuissimum & impalpabilem pulverem adtenuata, veræ calcis formam mentiuntur, licet verè ac realiter calcinata minimè sint, sed formæ suæ pristinae adhuc capacia :

Jam quum præter hosce duos calcinationis modos nullum aliū dare vel comminisci queat  
no-



noster, quæro, utrum is per calcinationem suam Philosophicam velit intellectum? Certè non nisi secundum, puto: id quod duæ evidentissimæ rationes evincunt: 1. est, quod unanimi omnium consensu aurum nullâ ignis vi devastari possit: 2. quod si vel verè calcinari statueretur, consequens necessariô esset, quoniam in illa calcinatione, substantiæ humidæ & glutinosæ, sive mercuriales & sulphureæ auri deperderentur, substantiaq; tantùm salina cum terrâ aridissima, & siccissima, ac qualitatibus ignis abundè imbuta, reliqua fieret: quod aurum ita mercurio suo, & sulphure spoliatum, etiam virtutû, quæ ab optimâ compositione & temperamento substantiarum invicem, conjunctarum, pendent,



unà fieret vacuum: id quod intentioni auctoris nostri cumprimis adversaretur, utpote qui in suo auro potabili, veras auri qualitates, easque integras, sine ulla earum vel imminutione vel jacturâ, conservare fatetur. Calcinationo ergo illa Philosophica nulla alia est, quam secundi, ut diximus, modi.

Neque obstat, quod quis posset obijcere eam ipsam per res sal-  
sas & acres institui, quam ob id non videatur intendere noster, quippe qui aquas fortes ex vitriolo, alumine, nitro & similibus præparatas, tamquam res corro-  
dentes; humanæque naturæ infestas rejiciat. Facilis enim est responsio, quod, quantumvis has propter igneam penetranti-  
am à compositione & destillatione  
ne



ne ortam , proſcribat : non poſſit  
tamen ea propter vel res , ex qui-  
bus iſtæ aquæ factæ ſunt , proſcri-  
bere , quùm quam egregia inde  
medicamenta præparentur , ele-  
gantiorum quidem medicorum  
nemo hodiè ignoret : vel etiam  
omnes materias falſas & acres  
gradibus & qualitatib. aquarum  
fortium commenſurare. Per e-  
nim magna utique eſt corroſivo-  
rum diverſitas & latitudo , neque  
de omnibus , quod humanæ na-  
turæ inſenſa ſint , promiſcuè dici  
debet. Nam quis vel è mediâ ple-  
be , ſalem , quo quotidie cibos  
condimus , acetum , aliasq; res aci-  
das , quibus non minus utimur ,  
venenatas aut corporibus noſtris  
inimicas , ac non potiùs ſalutares ,  
imò ad ſuſtentandam ſanitatē  
neceſſarias , fateatur ? Quid di-

F 3      cemus



cemus de salibus spagyricis cum  
Animalium tum Vegetabilium?  
ii, tantum abest, ut humanæ na-  
turæ venenatâ quadam qualitate  
insidientur, ut opposito vim ale-  
xiteriam possideant, humorum-  
que internorum corruptioni, bo-  
nis sæpè ægrorum rebus, resi-  
stant. Et tamen si qualitates sol-  
ventes, incisorias, deterforias, a-  
crimoniamque tam horum sali-  
um, quam salis ipsius vulgaris, a-  
ceti item, succi de citro aliorum-  
que consimilium consideremus,  
ratio nulla erit, quare ex numero  
corrosivorum hæc debeant ex-  
cludi, præsertim quum multa  
corpora mineralia illorum vi  
corrodi & dissolvi, ipsa nos edo-  
ceat experientia.

Ut ergo, quod res est edisse-  
ramus, calcinationem suam hoc  
modo



modo noster instituat, oportet:  
Accipit, quantum placet auri,  
cui addit salem quemdam usua-  
lem ( qui corrosivus quidem est,  
sed non tale corrodens, quale ab  
opere suo excludit, id est, huma-  
næ naturæ noxium ) duo hæc in  
reverberium collocat, adhibito  
tali ignis gradu, ne aurum funda-  
tur, sed ut spiritus salis istius a-  
cres & solutivi duntaxat exciten-  
tur, qui ita sensim circa metalli  
corpus tam intra quam extra  
coëunt & concentrantur, ejus-  
que fixitatem metallicam, vi a-  
crimonix suæ dirumpunt, & per  
minima dirimunt, neq; non in-  
star spongiæ rarefaciunt & emol-  
liunt, ut evadat pulvis subtilissi-  
mus, levissimus, & tamtum non  
inpalpabilis, terræ sigillatæ colo-  
re, vel, (pro natura scilicet salis, &  
modo



modo reverberationis ) etiam  
alio aliquo conspicuus. Calcem  
hanc, quam vocant, a reliquiis  
salis, si quæ adhæserunt, ablutam  
exsiccat, inque suos usus reponit.  
Et hoc est aurum ipsius philoso-  
phicè calcinatum : per salem  
nempè quemdam, qui, commu-  
ni omnium philosophorum sen-  
tentiâ, verum elixir, & balsamus  
est naturæ unive salis, veraque  
materia, per quam ad usum me-  
dicum corpora omnia metalli-  
ca dissolvi debent & adtenuari.  
Aurum inprimis, cum quo inti-  
mior ipsi cognatio, quam cum  
aliis metallis, intercedit. Posse-  
mus de hoc ipso vel sexcenta au-  
ctorum testimonia adducere, nisi  
magis attenderemus ad id, quod  
agant isti artifices, quam quid lo-  
quantur.

*Secun-*



*Secundum* quod citra calcina-  
tionem artificis nostri discutien-  
dum, est, an aurum calcinatum  
(intellige per salem, aut aliud ad-  
ditamentum) ita possit destrui, ut  
evadat irredivivum? Cujus qui-  
dem quæstionis facilis est deci-  
sio, ab experientia & probâ artis.  
Certò enim certius est, quod au-  
rum quidē, per reverberationem  
cum materiis salinis aut sulphure  
factam, quoad externam figu-  
ram ita immutari queat, ut au-  
rum non ampliùs appareat, im-  
mo in vehementissimo quoque  
igne fusionem respuat: At hoc  
minimè impedit, quin si in manus  
experti artificis incidat, per addi-  
tamentum conveniens, à spiriti-  
bus salium & sulphuris adpactis,  
liberari possit, & deinde pristinae  
suae formæ, sine ulla qualitatum  
sua-



fuorum læsione, restitui. Quin  
omnino tam dictu quam creditu  
foret absurdissimum, spiritus cu-  
juscunq; etiam vel salis vel mā-  
teriæ acris hoc in negotio ipsi  
præpollere igni: Quem videmus  
Cuprum, Ferrum, Stannum,  
Plumbum aliāq; multa minera-  
lia re vera incinerare, calcinare,  
& vitrificare, sicut prorsus ad pri-  
stinam essentiam reduci neque-  
ant: Id quod neq; sal ullum, neq;  
aqua ulla fortis aut regalis, aut  
quicunq; alius spiritus, etiam ve-  
hementissimè corrosivus, præsta-  
re valeat. Etiam si enim corpora  
metallica per hæc corrosiva dis-  
solvantur, & quam subtilissimè  
pulverentur, facile nihilominus  
reductu esse & permanere, uni-  
cuiq; experto spagyrico est per-  
spectissimum. Ex hoc fundamen-  
to



Quanto inferimus ulteriùs: Si corrosiva  
vehementissima nequeunt reapse  
destruere corpora metallorum  
imperfectorū, multò minus cor-  
rosivum mediocre, sal videlicet  
aliquod usuale, poterit destruere  
corpus auri, metalli, usq; adeò fi-  
xi & perfecti; Unde consequens  
fuerit aurum calcinatum nostri  
Philosophi reductile esse, id quod  
credo, neq; ipse diffiteatur, quip-  
pe qui nihil aliud se hac calcinati-  
one agere perhibeat, quam ut au-  
rum magis solutionis suscepti-  
vum reddat.

*Ultima* quæstio est de eo; an vi-  
delicet aurum ita calcinatum,  
simplex sit, subsistens in seipso  
solo, sine additione? Ad quam  
uti negativè respondeamus, tri-  
b; indiciis apodicticis adigimur:  
quorum primum est ipse COLOR:

Quia



Quia enim splendoris sui usque  
adeo factum orbem est, ut ter-  
ram quamdam potius, quam sei-  
psum referat, id profecto vel ab i-  
gne fit; vel ab additamento. Non  
ab illo: in quo, ut sæpius dictum  
est, invictus iste terrestris sol, splē-  
dore etiam luculentiore, jubilat;  
Ergo ab hoc, quod erat demon-  
strandum. 2. *Levitas* quæ non a-  
liunde procedit, quam ab additis  
spiritibus peregrinis, qui corpus  
auri per minima divellentes, ipsi  
se se unâ affricant, atque ita effi-  
ciunt, uti pondus ejus multo le-  
vius adpareat, quantitatis nimi-  
rum respectu: quæ ipsa auctior  
tum multo conspiciuntur. 3. *Sa-  
por*: Gustatum quippe sapore  
quodam adstringente, cum acri-  
moniâ quadam conjuncto, lin-  
guam adficiet: qui quidem sa-  
por



por neque est auri proprius, ne-  
que ab ipso simpliciter proficisci-  
tur. Accedit hisce omnibus o-  
cularis evidentia, ab ipso Vulca-  
no petita: Sume enim Calcem  
istam, inque crucibulo positam,  
committe Igni Fusionis; fundet  
se instar salis, & fumos spiritusq;  
ex Calce manifestè effumantes,  
tùm naribus hauries, tùm oculis  
usurpabis; usque quo istis con-  
sumptis Aurum ad sese redeat.

Hisce itaq; argumentis irre-  
fragabiliter demonstratur, Au-  
rum Calcinatum non esse sim-  
plex, sincerum, & impermixtum  
Aurum, sed particulam quampi-  
am additamenti istius, quo cum  
calcinatum est, penitissimè in se-  
se cohibere. Quod ipsum postea  
caussa est, ut ista calx, in liquore  
quopiam acidulo medicinali,  
G neq;



nequè multum Corrosivo, facil-  
limè dissolvatur, quod cetero-  
qui factu esset impossibile. Ne-  
que etiam alia est auctoris nostri  
intentio, utcunquè eam in ipso  
textu vel dissimulet, vel subtile-  
at: Qui si simplicem tantum  
Auri adtemuationem spectaret,  
nullamquè additionis, quam in  
Reverberatione id acquirit, ha-  
beret rationem, utiquè subtilis-  
simis istis Auri atomis, quibus  
utuntur Pictores, & in quos au-  
rum minimo tempore, sine ullo  
igne redigitur, abundè sibi satis-  
facere posset, atquè adeo la-  
tebores Reverberationis omnia  
minimè superare  
sedere.

Seçtio



# Sectionis secundæ

## PARS SECUNDA,

### *De Auri Calcinati solutione.*



Abitâ Calcinatione Auri, progreditur porrô nôster ad eiusdem solutionem hoc modo: *Calcinatum*, inquit, hoc corpus Spagyrico ritu in vase vitreo collocamus: Cui affundimus Aquam cœlicam Raymundinam dictam: quam protinus ebullire conspicias, & in altum ascendere, absq; alio calore. Cesante ebullitione & iuncturis peroptimè clausis, ne quid respiret, in temperato calore per aliquot dies statuimus. Ita sensim aqua hec nostra flavo colore tingitur, ac sic roco perfunderetur. Quòd clarum est evacuamus in aliam ampullam per inclinationem cautè ne turbentur faces. Aliam affundimus aquam priori similem iteratis semper vicibus, usque dum alteriùs non coloretur aqua.

G 2

Omnes



Omnes coloratas has aquas simul colle-  
ctas, per lentissimum Balnei calorem  
edistillamus. Exit aqua clara ut prius  
Materia Auri soluta subsidet in vitri  
fundo Mellis instar, solubilis in quocunq;  
liquore. Subnectit postea, qui-  
bus rem plausibilis exaggeret:  
Dura illa compages jam soluta est, &  
Metallica Auri forma omnino destru-  
cta: adeo ut in nullum ulterius Metal-  
lum reduci possit. Interim tamen nulla  
ignis violentia devastari potest hac sub-  
stantia, aut in favillam aduri, quod per-  
fectionis Auri certissimum est signum.  
Ista enim solutio est sub conservatione sua  
speciei, & est solennis ac verè philoso-  
phica, non corrosio illa Sophistica &c.  
Plura qui velit, adeat auctorem  
ipsum.

Nos omissis variis curiosis in-  
utilibusq; altercationibus, qui-  
bus, quæ jam allegavimus, exa-  
gitari possent; id tantum, in quo  
rei cardo vertitur, arripimus, i-  
psam



psam videlicet Auream materi-  
am, melleæ consistentiæ, in cor-  
pus metallicum irreductilem : de  
quâ, num ita sese, ut auctor tra-  
dit, habeat, inpræsentiarum co-  
gnosceremus.

Ac de nomine quidem ini-  
tiô : quum materia illhæc Auri  
soluta duplicem sensum gignat  
in mente concipientis. Per eam  
enim intelligere potest auctor no-  
ster, vel absolutam, realem, &  
perfectam solutionem integri  
corporis aurei : Vel subtilem  
quamdam substantiam ex Auro  
separatam, tractam in menstru-  
um illud sive Aquam Raymun-  
dinam in formâ extracti, qualis  
ex corporibus Vegetabilium be-  
neficio tùm Aquæ vitæ, tùm a-  
liorum solventium appropriato-  
rum elici consuevit. Aut fallor

G 3

ego,



ego, aut materia isthæc primo  
sensu venit acceptanda, id quod  
tum titulus ipse allegato textui  
præpositus innuit: *Mysterium Auri  
solvendi, & per alembicum elevandi:*  
tum præterea sententiæ istæ si-  
gnificant: *Ista enim solutio est sub con-  
servatione suæ speciei &c. & Præterea  
suum humidum primigenium conserva-  
tur integrum &c.* Ex quibus con-  
jectura iniri potest, quod secun-  
dum ipsum isthæc materiâ nihil  
sit aliud, quam Aurum destru-  
ctum, & realiter formâ suâ me-  
talicâ, sine substantiarum sua-  
rum divisione, privatum, perfectè  
apertum & præparatum, ut ex il-  
lo Tincturam aut Essentiam ex-  
trahere, ut libeat, liceat, de quo  
postea. Idem etiam hæc sententia  
confirmat, quando dicit: *Dura  
illa compages jam soluta est &c.* Im-  
mô



mō verō omninō hāc est eius o-  
pīnio, quandoquidem tam bene,  
ac ungues suos novit, illud calci-  
nati Auri, peractā solutione, re-  
siduum, in optimum, quale antea  
erat, aurum reduci posse: proin-  
de nimis temerarium foret, asse-  
verare, istam materiam melleam  
quamdam essentiam, aut sub-  
stantiam ex auro separatam esse.  
Id enim in omni omnino soluti-  
one obtingit, ut corpus, ex quo  
fit alicuius substantiæ extractio,  
substantialiter omni ex parte al-  
teretur, id quod hic non evenit,  
quia, ut diximus, quædam Auri  
pars in forma adhuc metallicā se  
exhibeat videndam. Quare  
ulterius in quæstionem venit, an  
dicta isthæc materia solubilis,  
sit simplex aurum realiter solu-  
tum, & in formam irreductilem



traductum, subsistens ita simpliciter, citra ullum aliud additamentum?

Solutio huius peti potest, vel ex jam dictis. Quia enim liquidissimò demonstravimus, neque actualem ignem, neque potentialem, id est, vehementissima corrosiva, ita posse destruere Aurum, quin in suam formam metallicam sit denuò revocabile: facile fuerit coniicere, quod id ipsum multò minus efficere valeat liquor insipidus, non corrodens, sed undiquaque temperatus, qualem bonus ille vir vult esse Aquam suam Raymundinam. Nequè enim in Phisicis tantùm principiis fundatum est, sed & in ipsâ arte usu longo observatum, quod solutio, aut realis destructio cuiuscunque corporis  
ne-



nequeat fieri, nisi per vim & ve-  
hementiam qualitatum contrari-  
arum: quum qualitates contem-  
peratæ & proportionatæ corpo-  
ra conseruent, potiùs quam de-  
struant: Ipseque adeo Spagyris  
noster, Menstruum suum, propte-  
reà, quod eo aurum conseruetur,  
tantoperè commendet, proscri-  
ptis & in exilium actis, aquis for-  
tibus omnibus, aliisq; similibus  
corrosivis, quæ, contra omnem  
tum rationem tum experientiam,  
aurum realiter corrumpere opi-  
natur. Non dicemus de eo,  
quam sibi constet Auctor dicens,  
Aquam suam Raymundinam  
tum destruere Aurum ut metal-  
lum esse desinat; tum etiam simul  
eiusdem temperamentum per-  
fectè incorruptum conseruare:  
Id huius loci proprium est, de-  
G 5 mon-



monstrare, quod materia isthæc  
non sit revera simplex Aurum,  
destructum & dissolutum, sine  
additione subsistens ; quod se-  
quentibus demonstrationib. pa-  
lam faciemus.

1. â CONSISTENTIA: Quia  
enim liquida est & mellis instar  
humida, non potest esse verum  
Aurum, quod ostendimus mini-  
mè gentium actualem quam-  
dam humiditatem in se comple-  
cti, & ut maximè disseccaretur,  
non tamen nisi in consistentia  
aridâ, fixâ, & ficcâ, eius substan-  
tias adparituras.

2. â PONDERE: Ponamus  
namq; casum, quod ea aurum  
sit realiter dissolutum, eumq; ad  
modum, quo auctor tradit, im-  
mutatum: Consequens tum fue-  
rit, ut certum pondus, quod cer-  
to



to modo priori ponderi proportionatum sit, retineat. Ita E.g. videre est in Auro subtiliter laevigato, quod licet quoad adparentiā seipso non laevigato levius videatur, nihilominus metallis omnib9 similiter laevigatis præponderat. Isthæc autem materia aurea ponderi Auri, secundum proportionem, nullo pacto respondere potest, eam quidē ob causam, quod humiditate aliena & peregrinā abundat, non diffitente auctore ipso. *Parte tertia Apologia contra Grevium: quando inquit: Primo quando salutio Auri est facta suo proprio menstruo tum, menstruo detractio nō ad consistentiam gummi liquidi, coloratissimi &c.*

3. à DISPOSITIONE SOLUBILI: Dissolvitur isthæc materia promptissime in aquâ,  
ut



ut mel : quod non tamtùm non  
cadit in aurum , sed ne quidem  
in multô molliores & volatilio-  
res Corporum Metallicorum sub-  
stantias : quas etsi vel integro an-  
no in aquâ digereres, nihil tamen  
earum, nisi accedente forte an re  
aliquâ falsâ & acidâ , dissolve-  
retur.

4. â COLORE: Etsi enim di-  
cta materia est coloratissima, ve-  
luti auctor loco supra citato asse-  
rit, nequaquam propterea iste  
color simpliciter est ab auro : Sed  
â mixtura rerum adjunctarum :  
per hoc quidem argumentum,  
quod igne vehementissimo ex-  
siccata illa coloris istius jacturam  
faciat : quemadmodum illud  
quoq; medicamentum , quod  
pro Essentiâ Auri vendit alibi u-  
ctor, longè aliud , *vide Apologia*  
*par-*



partem 3. pagina 187. quam aurei  
coloris esse, vel sexcenti homi-  
nes, qui id viderunt, mecum te-  
stari poterunt: prorsus contra  
naturam auri, quod in nullo ignis  
examine colorem suum mutat.

5. ab ODORE: Aurum qui-  
dem prorsus inodorum est: at  
Materia isthac rei alicuius acris  
& acutæ odorem præ se fert: quæ,  
credo, causa potissimum fuit,  
quod eam cum Spiritu Vini recti-  
ficandam censuerit, utpote qui  
proprietaem habet, *Apolog. pag.*  
*186* odores istos spirituum acri-  
um temperandi & emendan-  
di, odoremque conciliandi gra-  
tiores.

6. à SAPORE: qui in Auro  
nullus, in Materia isthac non mi-  
nus acris; quam in Magisteriis,  
cum Aceto distillato præparatis  
per-



persentiscitur : quod ne author  
quidem ipse ibit inficias.

7. ab aliis **QUALITATIBUS:**

Materia isthæc habet qualita-  
tem manifestam, calefaciendi,  
exsiccandi, detergendi, inciden-  
di, aperiendi, per sudores, Uri-  
nam, aliasq; interdum vias eva-  
cuandi, uti ipse ex variis curatio-  
nibus annotavit : quæ qualita-  
tes tam procul sunt à naturâ Au-  
ri.

— *quàm distant candida nigris.*

Id enim Metallum omnibus suis  
partibus temperatissimum est, in  
quo manifestarum qualitatum  
nulla prædominari animadver-  
tatur, & quod cor confortet, id  
non ab aliquâ evidente qualitate  
provenit, sed, omnium Herme-  
ticorum consensu, est hæc eius  
proprietas *αὐτὸφύη* specifica, ma-  
gnetica,



gnetica, occulta, à forma, vel tota  
potius substantiâ originem refe-  
rens.

¶ Hæc indicia suffecerint, opi-  
nor, ad probandum, quod toties  
nominata materia hautquaquã  
sit Aurum purum, realiter dissolu-  
tũ, ut author persuadere conatur:  
simul etiã ex iis colligitur, quod  
solvens illud siue Aqua Ray-  
mundina neque absolutam ha-  
beat potestatem solvendi Auri:  
(Nam quorsum aliàs adtineret,  
calcinare hoc primũ per istam,  
quam diximus additionem?) ne-  
quẽ ampliũ, æquale & simile,  
Auro temperamentum, veluti  
idem ad ravim usquẽ vocifera-  
tur. Etenim si hoc esset, certẽ au-  
rum non ita alteraret eadem, sed  
potius Medicamentum benignis-  
simum & temperatissimum,  
tem-



temperamento Aurum omnibus  
modis respondens produceret:  
Neq; etiam opus tum foret, ut  
vel dicta materia per Spiritum  
Vini rectificaretur, vel, ut hic  
pro vehiculo ipsi adiungeretur,  
quod facere Auctorem videmus  
in suâ Apologiâ. Quod si enim  
Aqua Raymundina tam est tem-  
perata; quare non ipsa vehiculi  
loco est, potius quam Spiritus  
Vini, qui propter violentam ca-  
liditatem & penetrabilitatem, tam  
longe â temperie Auri dissidet,  
multisque modis corpori nocere  
sæpè potest?

Quamobrem, ut quid de so-  
lutionis huiuscemodi Apoteles-  
mate, statui tandem debeat, in-  
unum conferamus, omnino te-  
nendum est, Materiam istam,  
cuius vel centies jam memini-  
mus,



mus, nequaquam esse rem simpli-  
cem, sed compositam ex Sale, cu-  
ius tinctura partim à calcinatione  
primâ adhæsit, partim à Spiritibus  
solventis est; qui sese coagularunt  
cum particulâ aliquotâ Auri,  
quod propterea ita adtenuatum  
est & dispersum, ut amplius Aurū  
non adpareat, licet manu dextrī  
Artificis possit resuscitari, & for-  
mæ suæ Metallicæ reddi. Neq; ve-  
rō aliud nomen isthæc materia  
meretur, quam Magisterii, quale  
ipsi quoq; defert Auctor assertio-  
nis suæ cap; 7 *Nostrum*, aiens, *Ma-*  
*gisterium ex auro, de quō iam habetur,*  
*questio* &c. Qui quotiens eandem,  
Essentiam Auri vocat, totiens  
vel in vocabulo ludit, vel  
vim facit veritati.

H

Sectio



# Sectionis secundæ

## PARS TERTIA,

### *De Elevatione Auri per Alembicum.*



Uperest ultima & suprema tum Processus Antoniani, tum sectionis hujus pars de Elevatione Auri per Alembicum: De qua splendide Auctor declamat. Verba eius sunt: *Coloratas illas superius aquas, non in Balneo destillamus (ut supra) usque dum deveniat Aurum in formam mellis, sed per cineres elevamus, quæ fortiores sustinent ignitionem. Ita anima Auri, quæ in spiritu dicti menstrui hospitatur (vehiculo inquam suo proprio) veluti in ventre venti portatur. Ascendit in caput Alembici, & guttatim decedit in Recipiens vas sub colore rubicundissimo. Terræ autem Auri in vitro fundo conspicies nigram & siccam, velut*



veluti rem mortuam spongiosam item &  
levem. Non tamen projicias has ter-  
ras, quæ sunt nigra & sicca, ut suadet  
Philosophus.

(Nimirum nervus totius sententiae is est, quod Auctor veram ac realem ex Auro Tincturam, quam Animam auri nuncupat, se segregare prolixè profiteatur: de qua, videbimus utique,

H 2



Equidem initiō videtur nobis  
pro uno eodemq; habere, Eleva-  
tionem Auri per Alembicum,  
quam in Titulo capitis promit-  
tit, cum Tincturæ eiusdem Ex-  
tractione. Quasi vero difficile sit  
expertis Chymiatris, mediante  
additione convenienti Aurum  
subriliare, dissolvere, & per Alem-  
bicum evehere; Quæ tamen o-  
peratio non statim Tincturæ ex-  
tractio est, etiamsi id, quod ele-  
vetur, colore aureo altissimè tin-  
ctum visatur: Color enim iste  
tum est à corpore integro aureo  
per alembicum adscendente, non  
à Tincturâ quadam segregatâ:  
idq; manifestò demonstrabit Re-  
ductio: & nos supra abundè evi-  
cimus, neq; per Ignem neq; per  
Additionem formam Auri posse  
realiter destrui. Noster tamen,  
quò



quô plus sibi hac in parte scientiæ, quam aliis Chymicis reliquum testetur, contrariam tenet opinionem, Liquorem scilicet suum dictum, non esse nisi verâ Tincturâ animaque Auri coloratum: quia 1. Liquor ipse rûber sit. & 2. quia residuum destillationis materia sit spongiosa, levis & nigra, instarque terræ aut capitis mortui. Sed toto coelo errat. Quia enim, quod Materia ipsius toties nominata non sit simpliciter Aurum, sed mixtura quædam; quodque particulum illud Auri, ex quo constat, facile in Aurum reduci possit; ex abundanti suprâ demonstraverimus: nulla non dicam ratio, sed ne verisimilitudo quidem est, quâ persuademur, quod mutato duntaxat,



à Balneo ad cineres, Ignis gradu  
particula illa Auri moriatur, &  
Tincturam suam animamque  
deponat, quæ deinceps per A-  
lembicum subvolet, ut Chryso-  
tomus noster adserit. Est ergo  
ut diximus, non à verâ Tincturâ  
Auri hîc color cum menstruo e-  
latus, sed à solâ permixtione: quæ  
quomodo sese habeat, quomodo  
item ex accidenti variorum co-  
lorum procreatrix existat, ma-  
joris evidentia ergo, aliquot con-  
venientibus exemplis declarabi-  
mus.

Accipe Cerusam, cui super  
funde Acetum destillatum, po-  
ne ad digerendum in Balneo per  
aliquot dies: Videbis Acetum  
flavescere, instar Auri. Lique-  
rem per inclinationem separâ,  
destilla per Balneum, ad partem  
quar-



quartam præter propter, restabit  
in fundo materia coloratissima,  
mellis adinstar, & dulcissima.  
Materiam istam destilla per cine-  
res, in fine destillationis exhibit  
Liquor sanguinis in morem ru-  
ber, residuâ materiâ nigrâ, spon-  
giosa, levi, ad modum Capi-  
tis Mortui: Quum tamen inte-  
rim, quin Cerusa lactis instar  
candescat, Acetumque Destilla-  
tum instar aquæ clarum sit, ne-  
mo ignoret. Quod si jam quis  
affirmare vellet, Liquorem istum  
rubrum esse Tincturam sive ani-  
mam ipsius Plumbi, ex quo Ce-  
rusa facta est: næ is in fædissi-  
mum errorem præceps rueret.  
Quoniam primò plumbum non  
habet in se talem Tincturam,  
nequè aliam aliquam substanti-  
am aquosam: Deinde, quia ce-  
H 4 rusa,



rufa , quæ post solutionem reli-  
qua fit , cum pauculo Saponis  
& pinguedinis ovina mixta , in-  
quæ ignem fusionis posita , fun-  
ditur rursus in Plumbum. Fun-  
ditur eodem etiam modo mate-  
ria illa cineritia , post destillatio-  
nem residua , contra quam fieri  
oporteret, siquidem Tinctura ex  
Plumbo esset educta. Nec enim  
fieri posset , quin tum substantia-  
liter Corpus Plumbi immutaretur.  
Quoniam, ut multoties jam  
dictū est , nulla potest fieri cujus-  
dam substantiæ e corpore separa-  
tio, sine corporis eiusdem eviden-  
ti ac substantiali immutatione.

lidem effectus , non in Ceru-  
sâ tantum , sed & Ferro, Stanno,  
Antimonio calcinato , Markasi-  
tis calcinatis, Chrystallo & Lapi-  
dibus preciosis calcinatis , Co-  
rallis,



ralliis, Perlis, Oculis Cancris aliis-  
què similibus corporibus adpa-  
rent, quæ si eodem, quo Cerusa  
jam, modo tractentur, exhibit  
semper in abstractione Aceti de-  
stillati Liquor non minus rubeus,  
quam qui ex solutione Auræ  
nostri Spagyri prodit. Eadem co-  
lorum ex permixtione varietas  
& multiplicitas per quam multis  
aliis exemplis esset demonstrabi-  
lis: Ut, quod Aurum in Aqua  
regiâ solutum rubro colore tin-  
gatur; Argentum, in aquâ forti,  
nigro; Cuprum in liquoribus a-  
cidis, viridi; Et nihilominus u-  
numquodquè horum à Solven-  
tibus suis separatum ad pristinum  
colorem redeat: Sed hæc satis fu-  
erint, ad declarandum, quomodo  
author alucinetur, Liquorem suū

H 5 rus



rubrum veram ac essentialem  
Auri Tincturam esse opinatus.

Quem eundem errorem alio quoque in loco miserè errat  
*Apologia vid. parte 3. pag 186. & 187.*  
Vbi alterius Tincturæ auri medicinalis mentionem facit, hisce  
verbis : *Primo quando solutio Auri  
est facta suo proprio menstruo, tum, men-  
struo detracto usque ad consistentiam  
Gummi liquidi coloratissimi [ ut Lullij  
verbis utar ] & unctuosissimi, affundi-  
tur spiritus Vini, qui hinc tingitur co-  
lore ruberrimo, & separatis facibus albis  
manentibus in fundo conservatur per se  
in vitro, vocaturq; Tinctura Auri Me-  
dicinalis. Haftenus ille. Ex qui-  
bus colligi potest, velle illum,  
quod in ista operatione spiritus  
Vini veram ex Auro Tincturam  
eliciat, relictis aliis huius eiusdem  
substantiis in fundo, quod signi-  
ficantissimè insinuat per id, quod  
dicit:*



dicat: *Separatis facibus albis manentibus in fundo.* Sed non minus, quam antea, opinionis suæ fallitur. Etenim si spiritus ille Vini reapse esset reali, & per se subsistente, ac naturali Auri Tincturâ inprægnatus, tum eo per Balneum abstracto, necessariô relinqueretur in fundo substantia rubra, obscura, altiorisque tincturæ, quam quum erat adhuc in Liquore dispersa. Quemadmodum usu venire videmus in Tincturis Vegetabilibus: Alkermes, e. g. ligni Brasiliensis, Cocconidiorum, Lacrimæ Draconis, Rosarum rubrarum &c. Inprimis Croci, cuius Tinctura, dum in suo Solvente diffusa est, flavescit inq; consistentiam spissam coarctata, obscurissimè rubrâ adparet. Nostra verò hæc Tinctura



Aura longè aliter sese habet.  
Nam, quod ipse etiam Antonius  
intus & in cute novit, si spiritum  
istum Vini ruberrimè tinctum,  
& Residuum solventis, per de-  
stillationem, modo, quem ipse,  
præscribit, abstraxeris, non re-  
linquetur Tinctura, sed Substan-  
tia quædam formam salinam ob-  
tinens, in aqua solubilis, colore  
ex pallido flavescente, ad mo-  
dum Magisterii ex Antimonio  
per Acetum destillatum præpa-  
rati: Qui quidem color Tinctu-  
ræ aurirubræ, si quæ talis esset,  
ad consistentiam solidam reda-  
ctæ tam bellè convenit, quam

*Candida cum nigris & cum candori-  
bus atra.*

Et hæc fortassean causa est,  
quod tum Auræ essentia nomi-  
ne uti homo callidus malit, quàm  
Tin.



Tincturæ: Dignum medius fidi-  
us patellâ operculum acaptans.

Constat ergô hæctenus, tum  
quod color iste ruber, quo spiri-  
tum vini infici dicit autor, non  
sit vera Tinctura Auri: tum  
quod in genere omnia Medica-  
menta aurea Antoniana non sint  
veræ & sinceræ substantiæ ex au-  
ro extractæ, sed res compositæ;  
Quorum Consistentia, Color &  
Qualitates ex permixtione re-  
rum extranearum cum Auro,  
nequaquam ab hoc sim-  
pliciter, proficiscan-  
tur.

CHRY.




# CHRYSOLO- GIÆ

## Sectio Tertia,

Continens quæstionum aliquot  
& dubiorum, quæ ex dictis o-  
riri possent, resolutionem.

### CAPUT I.

*Utrum Aurum in Medicina utile esse  
queat, an secus?*



Vi Aurum ab usu medi-  
co proscribunt, nihil fe-  
rè aliud habent, quo se-  
tueantur, quam ipsius fixitatem,  
ac substantiarum eiusdem perfe-  
ctam combinationem, quæ caus-  
sa sit, ut nullo pacto Stomachus  
noster id ipsum concoquere, im-  
mutare, aut tantillum succi inde  
cli-



LO. reliquere queat. Sed nimis rui-  
noso tibicine videntur hi opinio-  
nem suam statuminare. Nam  
eodem nos medio idem de mul-  
tis aliis corporibus penitus indi-  
gestibilibus concluderimus, quæ  
tamen experientia ipsa humano  
corpori per quam salutaria &  
cumprimis efficacia esse testatur.  
Chabybs durissimum illud, ari-  
dumque & siccum Metallum in  
obstructionibus viscerum, Ca-  
chexia, Ictericia, aliisque  
quamplurimis affectibus prorsus  
θεωρεῖν esse videtur. Lapis La-  
zuli in Melancholia, Mania & E-  
pilepsia Catharticum est omni-  
bus aliis prævalens. Vitrum An-  
timonium ἀντὶ καὶ παντός omnis ge-  
neris colluviem ex corpore pro-  
pellit. In Chrystallo Nephriti-  
cis; In Magnete Hystericis, po-  
sita



sita sunt præsidia præsentissima:  
Suntque alia præterea corpora,  
Mineralia quamplurima penitus  
indigestibilia, quæ evidentissi-  
mos in nobis effectus medica-  
les præstent. Quamobrem non  
dubitamus, quin aurum suis  
quoque virtutibus medicinalibus  
dotatum sit, & quin Archæus  
Naturæ noster per certam poten-  
tiam occultam eas in actum ma-  
gneticè deducere, & beneficio  
corporis nostri adplicare valeat,  
etiamsi illud Metallum per calo-  
rem nostrum neque digestibile sit,  
neque mutabile.

Quod porrò in auro nostri  
tam evidentis, quam in multis a-  
liis similis naturæ corporibus Me-  
tallicis, operationes conspician-  
tur, id perfectissimo illius tem-  
peramento tribuendum est. per  
quod



quod Aurum cor solummodo  
confortat, non per evidentem,  
quamdam & prædominantem,  
vel frigidam, vel calidam, vel  
quamcunq; aliam qualitatem:  
Quum è contrariò aliorum cor-  
porum intemperatorum, in eva-  
cuando, expellendo, aut aliter  
corpus alterando, manifesta de-  
prehendatur energia. Neq; verò  
vel temerè vel casu factum pute-  
mus, quod Medici dogmatici tã  
vetusti, quam recētiore, Aurum  
inter res cordiales retulerint, neq;  
nullo non in precio habuerint, &  
adhuc habeant: idq; non scriptis  
tantum suis testentur, sed quoti-  
dianâ insuper medicamentorum  
Cordalium, quæ Aurum semper  
ingreditur, dispensatione com-  
probent. Tacemus, quamtū sim-  
plex eius usus commodi habeat,  
I                      quàm



quàm periculosissimis affectibus,  
per solam viam extinctionis in  
Vino & Aquis destillatis factam,  
illud medeatur: ut ratio nulla  
sit, quare non suus ipsi in Medi-  
cina locus sit relinquendus.

## CAPUT II.

*An Aurum, propter Symbolismum vel  
Analogiam, quam cum Sole habet, sit  
subiectum vel Materia Medicinæ  
Universalis adversus omnes hu-  
mani corporis morbos?*



Visquis ex Symbolismo  
Auri cum Sole argumen-  
tum ducere velit, ad de-  
monstrandum, quod Aurum sit  
Medicinæ Universalis subiectum:  
is ita argutetur, oportet: Quod  
videlicet veluti Sol sit fons omni-  
um Elementorum à cuius regi-  
mine & influentiâ totius Univer-  
si con-



si conservatio tota pendeat: Eo-  
dem modo Aurum cum ipso  
symbolizans esse conservando  
Microcosmo, omni intemperiei  
eiusdem elementari corrigundæ;  
omniq; infirmitatis materiæ tol-  
lundæ. In quâ quidem ratiocina-  
tione, quod pro Hypothesi de  
Sole pronuntiatur falsum est. Is  
enim, quamtumvis sit nobilissi-  
ma in firmamento Creatura, ut  
eam ob causam Anima maioris  
mundi Philosophis vocetur, non  
tamen propterea non est ea no-  
bilitas certis limitibus & terminis  
constricta; neque latius se exten-  
dit, quam ut calorem & siccita-  
tem in globum hunc inferiorem  
infundat, atque ita generatio-  
nem & conservationem rerum  
promoveat. Harum autem o-  
mnium essentia & vita non pen-  
dent



dent solum à calore; & siccitate;  
sed etiam à frigore & humidita-  
te; neque alio fine omnipotens  
conditor Lunam in firmamento  
collocavit, quam ut veluti Sol  
caloris & siccitatis auctor est, ita  
hæc frigoris & humiditatis caus-  
sa exsisteret. Quia ergo Sol per i-  
stas quatuor qualitates pariter in-  
res influere nequit, non poterit  
etiam omni intemperiei & disso-  
lutioni, quæ ex earum dissidio  
provenit, occurrere. Frustra enim  
quis à Sole per se beneficium vel  
pluviæ vel roris nocturni, si alter-  
utrum defiat, expectet, qui po-  
tius per calorem suum magis  
magisq; exsiccaret, & quasi con-  
sumeret omnes fructus terræ.  
Vnde amplius ratio cinamur: Si  
Sol res tam spiritiosa & actuosa,  
quæ 24. horis circuitum mundi  
absol-



absolvit, non potest omnes defe-  
ctus & intemperantias majoris  
mundi emendare: multo minus  
futurum est, ut Aurum omnes in-  
temperantias Elementares mi-  
noris mundi, illas omnium infir-  
mitatum procreatrices, corrigat;  
Ipsūque illud, licet splendore  
quidem solari effulgeat, interim  
tamen corpus solidum est, pon-  
derosum, mortuum, nullius per se  
efficaciæ, nisi, ut dictum est, ab  
Archæo Microcosmico magne-  
ticè excitetur. Ipsæ deinde infir-  
mitates, quia à diversissimis  
caussis oriuntur, diversissima  
quoque remedia, experientia te-  
ste, efflagitant. Neque valet, quod  
quis obiiciat, per id, quod Aurum  
fontem caloris nativi roboret, na-  
turā excitari, ut caussis morbificis  
fortiter tum obsistere, tum easdē



excutere valeat. Etenim, ut non  
negemus, naturæ robur vel pri-  
mum esse, ad quod in curatione  
Medico respiciendum sit: hinc  
tamen nequaquam adstruen-  
dum, quod ipsa duntaxat con-  
fortata morbos debellet: Quin  
potiùs in plerisque morbis cogi-  
mur eam Diætâ, Purgationibus,  
Phlebotomiâ, aliisq; sanitatis re-  
cuperandæ auxiliis non leviter  
sæpe debilitare, priusquam æger  
salutis suæ, nos finis nostri com-  
potes reddamur. Quod, quum  
omnibus omnino dogmaticis  
medicis perspectissimum sit,  
nolumus hîc loci prolixius  
exaggerare.

## CAPUT



### CAPUT III.

*De Auro Potabili Hermeticorum antiquorum, qualem illi habuerint?*

**P**hilosophi Hermetici antiquiores, quin Aurum potabile habuerint, legenti illorum scripta dubium esse nequit. Id tantummodo in quætionem venit, qualem illud Aurum fuerit, vel, quid per illud intellexerint: Utrū, quod à suâ forma metallica in aliam liquidā, terrestris & metallicæ corporalitatis penitus expertem realiter transierit? vel, quod sit substantia quæpiam ab Auro separata, simpliciter per se sine additione subsistens, veluti Aqua quædam, aut Oleum aut Sal ex vegetabilibus elicatum? Certè neutrum intellexisse existi-

I 4      mandi



mandi sunt ; quum verisimile mi-  
nimè sit, qui Artem ipsam nobis  
tradiderunt, eò esse absurditatis  
prolapso, ut, quod impossibile  
esse Ars demonstrat, id ipsi præ-  
stare se profiterentur. Itaque ali-  
ter longe, quàm imperiti Spagy-  
rici faciunt, quæ de Auro po-  
tabili isti prodidère, sunt interpre-  
tanda : nimirum vel de nobilif-  
simâ quapiam materiâ medica-  
li, naturæ spirituosæ, & conditio-  
nis potabilis, cui ob prærogati-  
vam, quâ præ omnibus aliis me-  
dicamentis, veluti inter metalla  
Aurum, elucet, id nominis impo-  
nere voluerint : Aut, si Aurum  
Potatile metallicum intellexe-  
rint, id non aliud esse censuerint,  
quam quoad consistentiam su-  
am metallicam subtilissimè di-  
scon-



secontinuatum, & citra huius ipsius substantialem destructionem, resolutum: merito solventis adpropriati in formam potabilem redactum: In qua cum consistit, quid vetet, quo minus potabile adpellandum veniat? Facit huc ipsa auctoritas Philosophi, quæ allegat auctor noster aiens: *Apolog: pag. 96. Nullum est dubium, quin illa Medicina, quæ fit ex Auro natura (ut Arnoldus de Villanova extollit) soluta absq; ullis corrosivis in substantiam melleam & medicinalem, potabilem & solubilem in omni liquore sit præstantissima, Aurumq; potabile verum, & genuinum dicendum & habendum:* Per hoc, inquam, sententiâ nostra admodum confirmatur: Aurum enim nunquam potest eò adduci, ut in formâ melleâ, per se sine additione subsistat;

I 5

Per



Per quam quidem etsi apprimè  
adtenuetur , & occultetur ipsa  
forma metallica, ut instar Tarta-  
ri in transparente vini hospitan-  
tis sese habeat : non tamen ob id  
planè tollitur, Aurumq; subinde  
semper est, manetq; Aurum Cæ-  
terum quando iidem Philoso-  
phi dicunt , Aurum ita debe-  
re resolvi , ut irredivivum fiat,  
ea irreductilitas non est , artis  
respectu accipienda , sed respec-  
tu caloris Stomachi nostri, quod  
videlicet ita Aurum cum debito  
sibi menstruo coniungi debeat,  
ut ne calor internus possit ea rur-  
sus segregare : Neq; aliter eâ de-  
re iudicare poterit , quisquis tum  
scripta eorum legerit , tum  
simul potentiam Artis  
consideraverit.

C A.



## CAPUT IV.

*Num Philosophi potuerint Aurum Potabile conficere sine Corrosivo?*

**Q**Vandoquidem est certissima & irrefragabilis, inq; arte perpetuò observata maxima, quod penitus impossibile sit, Corpora Metallica & lapidea in formam liquidam resolvere, absq; menstruo manifestocris & corrodeute: Certum est, neq; Philosophos sine hoc solve-  
re aurum potuisse: id quod ne ipsi quidem inficias ibunt. Unus Paracelsus sit instar omnium, qui id apertè testatur, in sequentibus.

In lib: de Vitâ longa, ubi de præparatione Elixiris Auri sive Auro Potabili, hæc de solutione habet: *Resolve Aurum unâ cum omni*  
*sub-*



Substantiâ Auri, Corrosivo, & idipsum  
tantisper, dum fiat idem cum Corrosi-  
vo. Neq; interim abhorreat animus  
ab ista tractandi ratione : Aurum  
enim quatenus Aurum est, Corrosi-  
vum prestat, & citra corrosivum mor-  
tuum est. Quare quintam Essentiam  
Auricitra Corrosivum inutilem esse  
adserimus &c.

In Fragm: ad lib. de Grad:&  
Composition: Fragm: 2. de præ-  
paratione & administratione  
remediorum ; Quod autem ex Me-  
tallis est, id hac via tractari debet, ut  
Metalla resolvantur in liquorem per  
Salina ( puta spiritus Salinos, qui  
certè in rebus Corrodentibus nu-  
merantur ) & ut in corporibus suis  
maneant, quia Corpus illorum Mercurius  
est, & est eorum vis. Quare non debet  
quari modus quinta Essentia extra cor-  
pus, sed corpus est idipsum.

Ex




Ex quibus textibus liquet;  
Paracellsum non tantum in solu-  
tione Metallorum menstruum  
Corrosivum requirere, sed doce-  
re insuper, ut integra eorum cor-  
pora dissolvantur, neq; separati-  
oni cuiusquam ex iis essentiae in-  
cumbatur: Ut dubium proin-  
nullum sit, quin Philosophi in so-  
lutione quoq; Auri menstruum  
tale putarint usurpandum. Qui  
sicubi fortean videantur à suis  
præparationibus Corrosiva a-  
mandare, tum secundum diffe-  
rentiam graduum Corrosivorum  
sunt intelligendi, & de Corrosivis  
noxiiis & vehementissimis: Nō de  
Corrosivis medicinalib9 & inno-  
xiis. Ut e.g. non de Sale, quem edi-  
mus cottidiè, sed de Sale Cauteri-  
ali; nō de spiritu Vitrioli simplice,  
sed de Aquâ forti; non de Aceto  
destil-



destillato, sed de Spiritu Nitri acutissimo: Quæ distinctio in hoc negocio ut omninô necessaria est: ita diligenter animadvertenda.

## CAPUT V.

*Num quam utilitatem in preparatione Auri Chymia præstet?*



Osteaquam ostensum hactenus est; Aurum in formam potabilem sine additione redigi non posse, quippe quod quoad substantiam suam immutabile sit, & in quovis examine Aurum maneat: si iam proporrô quæras, num nihilominus Ars Spagyrica id possit præparare, Medicinæ bono? Parata statim est responsio: videlicet, quando per Menstruum adpropria-



priatum solvitur, & in formam  
potabilem concinnatur Aurum,  
quod tum corpus aureum aperi-  
atur, atq; adeò de potentiâ in a-  
ctum tractæ eius virtutes manife-  
stentur multò herclè efficacius  
& potentius, quàm quum in  
simplice suâ formâ consistebat, i-  
psâ id experienciâ manifestissimò  
comprobante. Neq; est, quod  
quis istos effectus ad solum sol-  
vens referat: quum nullum sol-  
vens in dissolutione Auri adhi-  
bitum, istos effectus seorsim &  
præcisè producere queat: quin  
potiùs statuendum est, ex unio-  
ne & permixtione Auri cum Spi-  
ritibus Solventis id medicamentū  
oriri, quod neq; ut simplex Au-  
rum, neque ut Solvens per se:  
sed veluti tertium quid, ex utrisq;  
inter se, artificio mixtis, operetur.

Decla



Declarabimus hoc exemplo Plū-  
bi: quod ipsum in formam Ma-  
gisterii beneficio Aceti destillati  
reductum, non agit ut Plum-  
bum solum, vel ut Acetum de-  
stillatum simplex: Sed ut res  
quædam ex duobus hisce com-  
mixta & combinata: in quâ qua-  
litates Plumbi minimè oblitera-  
tæ & quasi consopitæ delitescant,  
sed manifestatæ & exaltatæ ma-  
gis magisq; vigeant. Plura qui-  
dem exempla non aggerimus,  
quum eam remin *Lib: Iuo de Ma-*  
*gisteriis*, qui *sextus est Archidoxarum*  
satis superq; explicatam dederit  
Paracellus: quo etiam Lecto-  
rem remittimus; Satis ex hisce,  
quæ adtulimus, constare rati,  
quod Ars etiamsi Aurum dispar-  
tiri nequeat, frustra tamen nequa-  
quam sit in eius præparatione.

C A-



## CAPUT VI.

*An Philosophi Hermetici, omnibus  
morbis solo Auro Potabili, exclusis aliis  
medicamentis, potuerint me-  
deri?*



Unt hac tempestate Spagyrici benè multi, qui affirmare non vereantur, Philosophos Hermeticos, solo Auro potabili omnes omninò morbos curare potuisse: Quibus tamen insignem illi iniuriam faciunt. Legantur saltem scripta quatuor illorum per Europam celeberrimorum Philosophorum Hermeticorum, Arnoldi de Villâ novâ, Raymundi Lullii, Isaaci Hollandi & Theophrasti Paracelsi: patebit, quod Vomitoriis, Catharticis, Diaphoreticis, Diureticis, Anodynis,  
K Somni-



Somniferis, Stipticis, Alexiteriis,  
aliisq; quamplurimis Medica-  
mentis, sed artificiosè præpara-  
tis, non minùs tribuerint, quam  
ipsi Auro potabili. Quod ipsum,  
adversus eos, qui Aurum potabi-  
le pro universali Medicina abs  
antiquis habitum putant, Achil-  
lei instar sit argumenti. Quod si  
namq; id omnibus Indicationi-  
bus curativis satisfacere scivis-  
sent, crudeles hercle fuissent tam  
in posteros, quibus legitimam  
ac veram descriptionem non re-  
liquissent: quã in discipulos suos  
iniqui, quos per tam facilem, se-  
curam, certam, & compendio-  
sam curandi viam noluisse lon-  
gæ illius difficilis, intricatæ &  
periculosæ Methodi vulgaris o-  
nere sublevare. Veluti autem  
utrumq; de iis asserere in huma-

nun



num sit, ità indubitato verum,  
illos neque per Aurum potabile  
omnium medicamentorum vi-  
ces potuisse supplere, neq; proin  
eodem pro Panacæa fuisse usos.

## PORISMATA.

*Quibus, quæ integro libro prolixè ha-  
ctenus pertractavimus, summa-  
tim recolliguntur.*

I. In Anatomia Corporum, sive, quânam formâ eorum substantiæ consistant; sive, an ea ipsa Analysin sustineant; quæstio incidat: ad ipsam artem recurrendum est protinus, non vanis alicuius imaginationibus, nugis & phantasmatis superstitiosè inhaerendum.

K 2

II. Quo-



II. Quoniam Aurum ex  
substantiis, solidis, aridis, siccis,  
& compactis est compositum,  
frustrà quis fuerit in eruendâ ex  
eo substantiâ potabili.

III Quia substantiæ Au-  
ri à naturâ tam perfectè unitæ  
sunt, & combinatæ invicem, ut  
nulla potentissimorum Corrosi-  
vorum violentiâ dirimi ab invi-  
cem possint: Admodum ridi-  
culum sit, & vesaniæ proximum,  
velle, cum menstruo insipido,  
non corrosivo, sed qualitatibus  
Auri proportionato, vel Essenti-  
am, vel Lincturam ex Auro ex-  
trahere.

IV. Quicumq; vult in for-  
mam potabilem Aurum redige-  
re; is per menstruum acre, Cor-  
rodens, id dissolvat, oportet;  
absq; quo sit, Æthiopem dealba-  
verit.

V. Au-



V. Aurum in formam potabilem per menstruum conveniens reductum, non abiit realiter à suâ consistentiâ Metallicâ, sed hanc solummodo abscondidit, diffusum quippe ac per minima in subtilissimos atomos dispersum: qui tamen ipsi coniungi & uniri utiq; possunt, Auro ad suam consistentiam metallicam revertente. Ac siquidem in tali forma consistit aurum, rectius Magisterium Aureum, quam vel Aurum Potabile, vel Essentia, vel Tinctura Auri, nuncupetur.

VI. Magisterium Auri ita accuratè præparatum, poterit esse loco egregii Bezoartici, respectu Auri: tum primæ notæ Diaphoreticum, respectu spirituum solventis ad sociatorum: At propterea pro Medicinâ Univer-



fali haberi minimè debet, quum  
in morborum curatione aliis  
præterea quàm plurimis Medica-  
mentis per opus sit, nimirum pro  
caussarum morbificarum varie-  
tate & exigentiâ, & Methodi  
Hippocraticæ Indicationib9 cu-  
rativis multiplicibus.

VII. Non est Auri Magi-  
sterium, quod non interdum  
tàm nocere, quam juvare possit,  
si eius manifestæ qualitates, do-  
sis, rectusque usus negligantur.

XIX. Quisquis Medica-  
mentum in formâ potabili aut  
salinâ præparatum, pro verâ, rea-  
li & simplice auri substantiâ ven-  
dit ac dispensat: is & proximum  
fallit, & in artem spagyricam,  
vel per ignorantiam, vel per ma-  
litiâ, insigniter est iniurius, lu-  
celliq;



celliꝑ; , quam propriæ conscientia amantior.

Atque hæc sunt , Benivole Lector , quæ de Auro hoc libro scribere placuit , non sine aliquâ , credo utilitate tuâ Quia enim , quid de Auro potabili statuum sit , liquidô demonstraverimus : poterunt jam Artis studiosi & cavere sibi ab imposturis aliorum , & tam sumptibus quam tempori deinceps , in re nihili , parcere. Quod si quis sit , qui materiam hanc meliùs , quam nos intelligere , & contrarium hisce , quæ adtulimus , ostendere præsumat : edat , quæsumus , suæ transmarinæ sapientia specimen , ac non streperarum nugarum , non futilium

K 4 phan-



phantasmatum larvâ personatus,  
sed evidentibus Artis exemplis  
& probis munitus in scenam  
prodeat contra nos; paratissimos  
*παλινοδῶν*, siquidem erroris fueri-  
mus convicti. Tu vero, Beni-  
vole Lector, in bonâ nostra vo-  
luntate acquiescas, rogamus:  
qui si in præsentiarum varias Au-  
ri præparationes non describa-  
mus: quippe quarum alii libri  
sint plenissimi: non omittemus  
tamen, primâ quaq; occasione  
datâ, alia maioris momenti Secre-  
ta nostra in lucem emittere: pu-  
blico, uti speramus, bono, cui  
nos nostraq; omnia & addixi-  
mus hæcenus, & deinceps  
semper sumus, cum Deo,  
addicturi.

F I N I S,





APHORISMORUM  
CHYMIATRICORUM  
synopseos

SECTIO PRIMA.

*Aphorismus I.*



Bona omnia sui au-  
ctorem conserva-  
toremquè habent  
Deum; quippe qui  
ens est entium,  
fons solus & unicus omnis boni,  
cui proin soli gloria grateſq; æ-  
ternæ debentur.

*Aphorismus II.*

Quicunq; in intima naturæ  
secreta ſive arcana penetrare ani-  
matus eſt, eum oportet præ o-  
mnibus mentem rectà ad Deum



2

# SYNOPSIS

convertere, & ab eo sapientiam suppliciter petere. Is namque & creavit naturam, & creatam consilio regit immutabili: unde liberrimam potestatem habet revelandi effectus operum suorum, cuicunque velit, id quod ex admiranda ejus providentia cotidie licet animadvertere.

## *Aphorismus. III.*

Quemadmodum luci adversantur tenebrae, ita & veritati bellum indixit error. At verò ut tenebris opposita lux clariùs emicat: ita errorum obtentu veritas illustrior fit, atque conspectior.

## *Aphorismus IV.*

Sicuti inter fruges bonas plantasque utiles, uberrimus sæpe est ziza-



APHOR. CHYMIATR. 3

zizaniorum, urticarum ac spinarum proventus: ita & artes erroribus, imposturis, præpostero denique hominum usui sunt expositæ. Verumtamen quemadmodum propter zizania à laboribus suis non deterretur agricola: ita neque vir sapiens ab erroribus, fraudibus, & abusu malè feriatorum transversum se paritur rapi, ut illorum causa artes bonas vel neglectui habeat, vel contemptui.

*Aphorismus V.*

Quicumque medici verè rationalis nomen mereri discupit, sepositis omnibus affectibus, artis Chemicæ cognitionem sibi acquirat, tribus hisce rationibus potissimum intentus. quarum



rum prima est, ut in rebus, quas cognoscit, bonum discernere, & sciat à malo. Altera, ut in occultas illas inquirat, modo terminisq; , quos Deus ipse præfinivit. Tertia, ut, malis reiectis, res bonas suspiciat, & quo quâq; loco habere debeat, discat, neq; pluris eas minorisve æstimet, quàm mereantur ipsæ.

*Aphorismus VI.*

Chemia, non tantùm ars est *πειραχη* sive effectrix, sed & insuper theorica. Etenim & modum tradit resolvendi in sua principia unumquodque mixtum & occultas naturæ vires detegit, humanumque intellectum iucundissimâ mysteriorum naturalium cognitione explet. Unde fit, ut & acutiùs videat physicus & rationes



APHOR. CHYMIATR. S  
nes suas firmare meliùs & muni-  
re sciat.

*Aphorismus. VII.*

Chemia, impura medicamen-  
ta defæcando, iisque imbecillio-  
ribus vires acuendo, sapore atq;  
aspectu inamabili præditis gra-  
tiam conciliando, non tantùm  
decus atque utilitatem magnam  
parti medicinæ pharmaceuticæ  
confert; verùm etiam multis u-  
tilissimis arcanis, quæq; veteres  
dogmatici penitus ignoraverūt,  
medicinam locupletat.

*Aphorismus VIII.*

Chemia suas operationes o-  
mnes duobus instrumentis ag-  
greditur & perficit: quorum al-  
terum ignis est, alterum solvens,  
quod menstruum Chemici no-  
minitant. Horum beneficio illa  
verum



6                   SYNOPSIS  
verum à falso ac possibile discer-  
nit ab impossibili.

*Aphorismus IX.*

Universus Chemiæ ambitus  
tribus principibus terminis , ad  
quos omnes eius actiones unicè  
collineant, circumscribitur. quo-  
rum primus est , in suas partes  
essentiales unumquodque cor-  
pus , quod dividi hoc modo a-  
ptum natum est, distribuere, illas  
à se invicem separare, & ab omni  
superfluitate vindicare. Secun-  
dus , easdem has substantias pri-  
ores, subtiliores ac efficaciores  
reddere. Tertius denique, cor-  
pora fixa, & ad disseccandum ini-  
donea, ope convenientium men-  
struorum in formam magisterii  
vertere.

*Aphorismus X.*

Cor-



APHOR. CHYMIATR.

Corpora omnia, in quæ suas operationes exercet Chymia, in tres quasi classes cōmodè dispescuntur, suntq; aut vegetabilia, aut animalia, aut mineralia.

*Aphorismus XI.*

Eadem hæc corpora naturaliter sunt composita ex tribus substantiis elementaribus, sulphure videlicet, mercurio, & sale.

*Aphorismus XII.*

Dictæ substantiæ, forma, pondere, consistentia, proprietate, actione & virtute sunt inter se dispares, idq; pro differentia corporum: quanquam hæc omnia in potentia nihil sunt aliud, quam sulphura, mercurii & salia.

*Aphorismus XIII.*

Calor omnis, quo quod calefieri, digeri, aut coqui potest, cōmuni



muni ignis nomine continetur ,  
cui soli hos effectus præstare  
competit, idque vel modo viaq;  
naturali , vel interventu alicuius  
materiei , ut lignorum , olei , &  
quæ sunt eius generis.

*Aphorismus XIV.*

Etsi autem ignis , ratione di-  
versorum graduum , effectuum  
etiam diversorum auctor existit:  
nihilo tamen minùs eius qualita-  
res istis sunt limitibus coërcitæ,  
ut frigidum quid aut humidum  
producere nequeat. Imò nec  
compositum quoddam, quin  
semper maneat calidus & siccus:  
quæ perpetua eius natura est, o-  
mnis mutationis expers. Eapro-  
pter neque suppeditare alicui  
corpori humorem potest, quem  
nullum habet, neque rei suâ na-  
turâ



APHOR. CHYMIATR.

turâ siccæ & aridæ formam dare  
liquidam & aquosam, quantum-  
vis multi ita falsò sint persuasi.

*Aphorismus XV.*

Res, quæ in igne tractantur, o-  
mnes alterationem subeant, & de  
naturalis sui temperamenti statu  
quodâmodo deiciantur, necesse  
est. Ac magis quidem, si vel vehe-  
mentissimum eum vel diutius su-  
stinere cogantur: minùs, si remis-  
sior fuerit, mora; in eo brevior.

*Aphorismus XVI.*

Quicunq; liquores vim habent  
corpora fixa & densa attenuandi  
& dissolvendi, eos non iniuriâ  
solventia quis vocaverit.

*Aphorismus XVII.*

Hos in tria genera rectè dispar-  
timur, ut quidam eorum sint a-  
quosi & insipidi; alii acuti & cor-  
rosi.

L

rosi



10 AT SYNOPSIS  
rosivi: reliqui oleosi & sulphurei.

*Aphorismus XII*

Qui primo genere comprehen-  
duntur, & revera sunt insipidi, illi  
vegetabilia, substantiasq; anima-  
lium, vel per decoctionem, vel in-  
fusionem, saccharum item & sa-  
lia, quæ ipso actu sint salia, dissol-  
vendi facultatem obtinent, ultra  
quos fines vires suas non expor-  
rigunt. Nolim tamen hoc ita ac-  
cipi, quasi omnia hæc solventia  
substantias sulphureas rerum, in  
quibus sulphur prævalet, elicere  
possint. Aquæ enim cum oleo,  
quod ipsum igneæ naturæ est,  
sympathia nulla vel affinitas in-  
tercedit.

*Aphorismus XIX*

Solventia acuta recludunt &  
dissolvunt corpora metallica &  
lapi-



APHOR. CHYMIATR. II

lapideā vi corrosiva spirituum ac-  
cium, qui propter similem quan-  
dam ac homogencam naturam,  
sal potentiale, quod in se reliquæ  
metallorum, lapidumq; substan-  
tiæ unitæ continent dissolvunt.  
Ac huic dissoluto cum corpore  
suo aquoso, non secus atq; oleum  
ceræ, adhærescentes, transformāt  
ea accidentaliter, vel in liquores,  
vel pulveres subtilissimos, vel sali  
similes substantias, plane ad arbi-  
trium Chemici. Nec verò sine  
corrosivo dissolvi metalla lapi-  
desve ullo pacto possunt.

*Aphorismus XX.*

Omnia metalla, marcasitæ la-  
pides, cōchylia, simul ac vel liqui-  
dam vel salinā formam sunt ade-  
pta, simplicia esse desinūt, vereq;  
di ci res compositæ merentur;

L 2

quan-



quandoquidem absq; adjectione solventium in his formis neque consistere, neq; persistere diu possunt, usq; adeo, ut, si illis priventur, has quoq; pari ratione deponent, & tanquam postliminio redeant ad consistentiam solidam priorem.

*Aphorismus XXI.*

Solventium alia in formam liquidam resolvunt mineralia: alia in pulverem subtilissimū ea præcipitant. Et, quæ solvunt unum corpus, intactum sæpe relinquunt alterum. Quæ se soli associant, ab iis bona pax est Mercurio. Neq; , quod huic amicum est, cum sulphure quoq; conspirat. Qua de causa arbitramur, non dari in rebus naturalibus sive menstruum sive solvens, quod naturaliter & con-



APHOR. CHYMIATR. 13  
convenienter omnia corpora dis-  
solvere, multò minùs proprieta-  
tes eorum naturales & facultates  
integras, in una essentiâ coniun-  
ctas, extrahere queat.

*Aphorismus* XXII.

Quicunq; fusus supra corpus  
minerale fixum vel lapideum li-  
quor, id in formam liquidam sol-  
vendo, aut in pulverem subtilissi-  
mum præcipitando agitur atq;  
effervescit: is corrosivis, quæ verè  
ac realiter talia sint, meritò accē-  
setur. Atq; hæc quidem non sunt  
eadem atq; uniusmodi, sed tam  
solvendi potentiâ, quàm qualita-  
tibus specificis mirum in modum  
inter se dissident. Alia enim cor-  
rosiva sunt de genere vegetabili-  
um, alia ex substantiis animalium,  
alia ex mineralibus. Quædam na-  
tura-



turalia, quædam naturalia atque artificialia simul: simplicia item & composita: horum est usus intra corpus humanum, illorum secus. Neque desunt, quæ, instar ignis, usui sint, & quæ damno, habita nimirum ratione doseos & modi utendi. Reperiuntur denique, quæ specificè sint venenosa.

*Aphorismus XXIII.*

Quicumque in liquore realiter insipido, nulliusq; omnino acridinis particeps, metallicum vel lapideum corpus solvere se posse jactitat, omniaque per a quæ corrosiva, posthabitâ distinctione & respectu eorum, quæ suprâ diximus, damnat; is aut crassam suam in arte ignorantiam, aut studium arcana occultandi, aut denique strenuum se impostorem eo ipso

evi-



APHOR. CHYMIATR. IS  
evidenter prodit, qui in gratiam  
eorum, qui corrosiva sine ratio-  
ne detestantur ac extremè exse-  
crantur, tale quid cōminiscatur.

*Aphorismus XXIV.*

Omnes spiritus acidi possunt in  
formam scissilem condensari, co-  
agulari ac in pulverem verti eo-  
rum quinetiam quidam ita fixa-  
ri, ut examen vehementissimū et-  
iam ignis sustinere valeant, ut vel  
hinc, cuius illi sint naturæ, & ex  
quā substantia compositi, satis  
superq; colligere liceat sapientib;

*Aphorismus XXV.*

Solventibus sulphureis sive o-  
leosis & combustilibus nulla est  
cum metallis & lapidibus conve-  
nientia; etiam si quidam chemis-  
corū in spiritu terebinthinæ, aut  
aliis oleis stillatitiis, modo nō mi-



nus ridiculo, quàm à principiis  
veræ artis alieno, hæc & solvere,  
& tincturis suis exsuerè posse  
splendidè glorientur.

*Aphorismus XXVI.*

Aqua vitæ rectificata, & ab omni aquositate liberata, quam spiritum vini vulgò vocant, est liquor sulphureus, multum subtilis, diaphanus, naturæq; coelestis inter omnia alia sulphura. Is utut possit substantias lignosas atq; resinosas dissolvere: sal tamen & saccharum sunt eius potestati exempta: atq; idcirco multò etiam magis metalla, nisi imbuta prius atq; imprægnata sint humore quopiam corrosivo. Experiatur quivis, quos velit, modos, sive in oculos incurrant, sive minùs, & vera hæc esse cognoscet.

*Apho-*



Acetum destillatum, quando supra corpus quoddam lapideū non fixum, coralla, perlas, oculos cancri, ferrum item, stannum & plumbum fustum est, spiritus ejus acidus separatur, atq; se his corporibus affricat, &, si iterum ab iis abstrahitur, mutatur pars ejus in spiritum, instar spiritūs vini, ardentem, quem spiritum stanni, plumbi &c. ardentem appellare Chemicis solenne est, quum tamen ipsissimus sit spiritus aceti, hunc in modum alteratus.

Sunt liquorum quidam, qui infusi supra corpora quædam mineralia rubri evadent, aut aliter colorentur, id quod accidentaliter iis obtingit, non quòd tinctur-



18      *SYNOPSIS*  
ram quandam ex corporibus his  
adtrahant.

*Aphorismus* XXXIX.

Aquas tam vegetabilium, quàm  
animalium, si rectè se habere de-  
bent, necesse est prævia conveni-  
ente digestionem, & sine aquæ ad-  
ditione destillari, adq; tempore cir-  
culari. Alioquin minoris erunt ef-  
ficacia, temporisq; injuriis magis  
obnoxia. Ac notatu dignum est,  
partem earum, quæ primùm pro-  
dit, bonitate reliquis præcellere.

*Aphorismus* XXX.

Quædam sulphura sunt adeò  
subtilia & volatilia, ut, additâ a-  
quâ salvo nativo odore & sapore  
à corporibus suis separari possint:  
è contrario quædam ita crassa;  
terrestria, & ponderosa, ut sine  
empyreumatis notâ non destil-  
lentur:



APHOR. CHYMIA TR. 619

lentur: unde pessimum sepe retinent odorem, qui nequaquam est perfecte emendabilis.

*Aphorismus XXXI.*

Substantiæ sulphuræ, resinosa, atq oleosa, sive vegetabiles, sive animales in tria diversa olea per distillationem dividuntur: quorum primum leve, & subtilissimum quàm proximè à natura aëris abest: alterum crassius est & tinctum: ultimum viscosum, rubrum, pōderosum, vim exsiccan- di habens, quàm cætera, majorē.

*Aphorismus XXXII.*

Benzoinum gummi est odoratum, & sulphureum in modum resinæ combustile; ex eo flores aridi, iterumq; instar resinæ fusiles per sublimationem conficiuntur. Magna est nullibi non chartarum



rum Chemicarum copia , quæ  
modos illud destillandi, toto, ut  
dicitur , horreo nobis admetian-  
tur. Quorum tamen omnium vi  
compulsum discerptūq; Benzoi-  
num, ne guttulam quidē veri gra-  
tiq; adoris olei per se reddet , &  
quicquid hoc nomine venditatū  
hactenus est, tametsi odorē Ben-  
zoini mentitur, nihil tamen ali-  
ud , quàm latibulum quoddam  
est, sub quo Benzoinum alienis li-  
quoribus adulterarum occultitur

*Aphorismus XXXIII.*

Salia vegetabilium possunt â  
propriis suis succis sine calcinati-  
one separari. Interim tamen, quæ  
ex cineribus in propria sua aqua  
instar granulorum coagulatis, &  
â residentia sive parte causticâ,  
quam combustionī vel calcinati-  
oni



oni debent, separatis, extrahuntur: Illa Salibus succorum, splendore, siccitate, saporis bonitate & virtutibus ne latum quidem, ut aiunt, unguem cedunt. At, quæ obscura sunt, urinam odore, sapore calcem referunt, linguam corrodunt, instarq; tartari calcinati in aëre colliquantur; ea & minùs valent, & plùs nocent reliquis.

*Aphorismus XXXIV.*

Sanguis, caro atq; ossa animalium, præter sal fixum, quod sali vegetabilium simile est, insuper & volatile quidpiam, quemadmodum & succinum, possident.

*Aphorismus XXXV.*

Calidi & humidi, debitæq; digestionis beneficio salia quædam fixa, volatilia reddi possunt ac apta, ut sublimentur.

*Apho-*



Tartarum hypostasis, sive sedimentum vini est, & si ratio habeatur eius, quod in ipso prædominatur, sal quoddam vegetabile, mixtum terræ cuidā subtilissimæ, seu parti lutosæ, quam fructificationis tempore vitis ad se allicuit, largiùs nimirum vel parciùs, pro diversitate soli, in quo eadem educatur. Manifesto namq; asuvenit, quòd sint vina, quæ plus minusvé Tartari, quam alia, contineant, & consimiliter unū Tartarum magis lucidum, granulolum, salinumq; sit altero. ipsum hoc, quem tradimus, modo compositum esse, reapse deprehendet, quisquis ad depurationē eius oculos convertit. Nam per hanc secretâ illa parte faculentâ, lucidū



evadit tartarum, instarq; salis,  
cristallinum. Neq; tamen ideò  
purum est merumq; sal, quem-  
admodum sunt salia per medium  
calcinationis à vegetabilibus se-  
parata, sed alias adhuc in se sub-  
stantias complectitur, quod dua-  
bus potissimum rationibus pa-  
sam fit. Nam neq; in aqua frigi-  
da, ut alia salia, liquatur vel dis-  
solvitur: & si igni submittatur,  
aqua unà cum oleo exhibit, ac ex  
calce in fundo residuà sal para-  
bis, album, & facultatis admo-  
dum corrodentis. Hoc humi-  
ditatem aëris in loco humido  
ad se pertrahendo, in liquo-  
rem detergentem unctuosum-  
que resolvitur, quæ eius na-  
tura quibusdam imposuit, ut  
oleum id tartari appellarent,  
quum



quum tamē nihil aliud sit, quam  
 sal tartari resolutum. Dixi suprà,  
 pro diversitate terræ, diversis  
 quoq; in tartaro crudo qualita-  
 tes reperiri: addo, non rarò etiam  
 perversas. Quapropter censen-  
 dum est non propter abundan-  
 tiam tantū tartari, sed & alias  
 huius perniciosas qualitates, vini  
 usum corporib⁹ sæpe damnosum  
 esse: ex quo varios morbos, va-  
 riis in locis, in homines invadere,  
 etiam experientia perhibet. Tar-  
 tarum est quoddam quasi vini  
 fermentum. Sal ipsius prædictum  
 qualitate terrestri & spongiosâ,  
 cuius beneficio spiritus acres ab  
 omnibus omnino liquoribus a-  
 vocat ac imbibit, cumq; iis peni-  
 tissimè se unit. Atq; hac de causa  
 appropriatum est instrumentum,  
 metal-



APHOR. CHYMIATR. 25

metalla aliaq; corpora fixa, à li-  
quore, in quo soluta sunt, modo  
jam commemorato, liberandi,  
ut in formâ pulveris subtilissimi  
in fundo subsidant. Mercurio ho-  
stiliter est inimicum: qui chemi-  
cè fixatus, inq; formam pulveris  
aut aliam quampiam redactus,  
ut ut fortissimum etiam ignem  
ferat, si tamen cum sale hoc mi-  
sceatur, Vulcanoq; denuo subji-  
ciatur, in formam derepente pri-  
stinam redivivus profiliet.

*Aphorismus XXXVII.*

Quemadmodum sal princeps  
corporum basis est & balsamus: i-  
ta & Chemiæ in nobilissimorum  
& preciosorum medicamento-  
rum præparatione, si quid aliud,  
utilissimè inservit. Advertendum  
est; suam cuiq; sali esse proprieta-  
tem,



tem, quæ ad illius differentiam quoque evariet. Sali, non ignis vehementia, non multæ magnæque sufflationes, neque etiam instrumentorum varietates suum balsamum extorquent: sed artificis dexteritas temporisque non interrupta continuatio coelestem illum spiritum de potentia in actum deducunt, ut, per invisibilem transitum, in gremium adamatæ sibi nymphæ se insinuet.

*Aphorismus XXXVIII.*

Sal Armoniacum, quo uti Chemia consuevit, duabus partibus est compactum, sale videlicet volatili, quod in fuligine lignorum, sanguine item, atque urinis animalium reperitur; & sale communi. Id quod evidenter apparebit, si partem salis volatilis cum debi-



APHOR. CHYMIATR. 27

debita spiritus salis communis  
quantitate ad artis præscriptum  
misceas: sal inde Armoniacum,  
ejusdem cum sale Armoniaco  
vulgari qualitatibus cōficiet. Quo-  
niam ergo sal Armoniacum ex  
duabus tam acutis, subtilibus &  
penitrabilibus substantiis conflat-  
ur, mirum non est, spiritum nitri,  
aliásq; aquas fortes ita ab eo ex-  
acui, ut aurum in liquorem trās-  
parentem, veluti experiētiā  
constat, resolvant. Idem sal cum  
metallis ac markasitis commi-  
xtum partem eorum in forma  
subtilissimæ fuliginis secum in a-  
lembicum evehit. Liquor ex illo  
destillari nullus potest, sed sem-  
per in sua consistentia sicca in al-  
tum exsilit, nisi fortean extra-  
neus quidam liquor ipsi accedat.

M 2 Apho-



*Aphorismus XXXIX.*

Non est sal, in quo plus mysteriorum, quàm in nitro natura recondiderit. Ipso orto est mirabile. Nam, præterquam quòd ex proprio suo ente, ut alia salia, crescat, insuper etiam ex urina animalium, quæ in bonam quandam atq; umbrosam terram continuo cadit, procreatur: atq; hoc bonitate & viribus differt, ut ipsa animalia. Evulso semel ex terra nitro, restibile manet semen, sive materia quædã generans, ex quâ communib9 elementis innutritâ, id renascitur atq; augescit, ut ad tempus debitum vicissim possit inde erui. Ab externis recrementis & sordibus depuratũ, Alabastri instar splendescit. In omnis generis figuras transformatur, cas-



casque non minus nitidas & puras, quam si ex albissima cera forent. In laminas ductum tenuissimas, ut metallum, tinnit: dissolutumque postea in conveniente aquæ quantitate redit in lapillos. Foris signaturam aquæ, & qualitatem quandam glaciei instar frigidam præ se fert, quantumvis linguam acriter feriat & mordicet: intus verò ad igneam naturam penitus concedit, atque idcirco, quando destillatur, spiritus ejus exæstuat, atque in modum flammæ penetrat in subjectum vas, facitque inibi reflexionem, qualem Sol, quando vesperi ad occasum properans rubicundissimo colore coelum inficit. Ardet hic in potentiâ, ut ignis, dissolvitque metalla, vel in pulveres subtilif-



tilissimos, vel liquores transpa-  
rentes, id quod ipsi etiam igni ne-  
gatum est, ac, quod magis, vim  
nullam formæ illorum essentiali  
infert. Mercurii fluxilitatem ad  
certum usque gradum cohibet,  
atque ut hujus consortio nobile  
quoddam efficax, ac tutissimum  
diaphoreticum producit, ita aliis  
corporibus juncto illi, alii sunt  
effectus accepti referendi. Idem  
ille spiritus addito metallo fixo,  
formam Nitri vicissim induit, at-  
que in igne revera ardet, & vice-  
versâ ita fixatur, ut ad vehemen-  
tissimi etiam ignis insultus inte-  
ger obduret. Tam multis, tamq;  
præclaris, iisque beneficio Che-  
miæ manifestatis arcanis dota-  
tum est nitrum, ut unicuiq; in re-  
rum natura, Sali, Mercurio, sul-  
phuri,



APHOR. CHYMIATR. 31  
phuri, hoc nomine palmam, si  
non præripiat, ambiguum profe-  
ctò faciat.

*Aphorismus XL.*

Corallia, Perlæ, oculi cancri,  
mater Perlarum, omniâque con-  
chylia, & alia similia corpora,  
quæ mediæ sunt inter ossa & lapi-  
des naturæ, marina, aut in aliis a-  
quis nascentia, aquam in se, ole-  
umque combustile, licet non tam  
copiosum, quàm ligna, continet.  
Horum cinis conformis est calci  
lapidum, ex quo, quod vegetabi-  
lium salibus simile sit, sal extrahi  
nullum potest. Tantum substan-  
tia est terrestrior, gustui, ut calx,  
apparens; non facilè solvitur: ne-  
que, ut alia salia solent, in granu-  
la compingitur. Corallos hos  
perlasque cum spiritu aceti in

M 4 for-



forma salina præparatas chemi-  
corum bona pars, sal corallorum  
perlarumve vocat, quum tamen  
realiter non sint sal, sed corpora,  
integra soluta, beneficio spiritus  
aceti adhærescentis in tali formâ  
subsistentia. Et, quum dicunt per  
multas cum aqua destillata eva-  
porationes dictos spiritus exha-  
lare, sic ut à corporibus his acri-  
monia omnis exsulet, crassissi-  
mum errorem committunt, quē,  
si gustum tantummodo suum, li-  
bram, ignemve consulant, facili  
negotio ipsimet sint agnitori.

*Aphorismus XLI.*

De corallis & perlis nullam sub-  
stantiam separat aut educit vel  
spiritus aceti, vel alia solventia;  
sed corpora eorum interiùs per-  
meando dissolvunt. Aliud au-  
tem



APHOR. CHYMIATR. 33  
tem est dissolvere, aliud separare.

*Aphorismus XLII.*

De corallis non potest extrahi  
tinctura, quæ realis ac sincera sit,  
subsistens in seipsa, quemadmo-  
dum verbi gratiâ sunt tinctura  
rosarum, croci, &c. quæ reverâ à  
corporibus suis separantur, ut ne-  
que tincturæ, neque qualitatum  
principum, quas possidebant, in  
his quicquam remaneat. Occla-  
mitet huic aphorismo, quicunq;  
voluerit: integra semper illi sua  
constabit veritas, neq; ullo con-  
trario exemplo poterit convelli.

*Aphorismus XLIII.*

De lapidibus preciosis non po-  
test separari tinctura, liquor, aut  
sal. Qui eos in vehementissimo i-  
gne cum sulphure, nitro, aut aliis  
salibus stratificatos calcinant, &

M s post.



postmodum eorum substantias  
separare, vel in liquorem reduce-  
re satagunt, duobus modis turpi-  
ter alucinantur. Primò enim cal-  
cinatione hac omnem iis tinctu-  
ram adimunt, & temperamentum  
naturale alterando proprietates  
illorum specificas deprædantur.  
Id quod in magnete videre est,  
qui calcinatus virtutem adtracti-  
vam omninò deperdit. Secundò  
ex illis hoc modo calcinatis ex-  
trahunt aut dissolvunt partem sa-  
lis extranei, quod corpora, cum  
quibus calcinati sunt, illis appe-  
gerunt, quodq; tam acutum est,  
tamq; corrodens, ac calcinatum  
Tartarum. Atq; illud demum est,  
quod olei, salis, essentiæ lapidum  
preciosorum nomine magnificè  
insignunt. Quod tamen non  
magis



APHOR. CHYMIATR. 35  
magis ipsi competit, quàm verisimile est, rem suâ naturâ atque intrinsecus insipidam sal habere corrosivum. Par eorum error est, qui ex crystallis oleum extrahere annituntur.

*Aphorismus XLIV.*

Talcum album est minerale, formam habens lapidis, squamosum, lucidum, resplendens, ut perlæ: gustui insipidum occurrit, tactui molle atque unctuosum, odoris expers est, ponderosum: in igne permanet incombustile, destillatum, nō plus liquoris, quàm aurum emittit; non dissolvitur in spiritu aceti, succo citri, spiritu vitrioli, sulphuris nitri, aqua forti, regia, multò etiam minùs in insipida. Non desunt tamen, qui se ex illo liquorem tempe-



temperatissimum extrahere posse arroganter perhibeant, qui cum bellam foeminarum faciem illibatam conservet, tum etiam rugis obsitam, aliisque vitiis dedecoratam emendet. Verum infelicem eorum errorem successus optati frustratio satis coarguit. Rideliculus certe est, talem eos in fornace vitrificatoria, aliisque vehementissimis ignibus, quam maximè possunt, calcinare, & nihilominus ab eo liquorem sollicitare, quem, etiam cum crudum erat, negabat. Nonne rationi est consentaneum, quem ante calcinationem obtinere ab eo non possunt liquorem, eundem, illa peracta nunquam datum iri?

*Apho-*



Vitriolum compositum quid-  
dam est, quod in imis terræ visce-  
ribus accidentaliter ex fortuito  
cohæsu trium substantiarum,  
spiritus nimirum sulphuris mi-  
neralis, aquæ communis, & ferri  
sive cupri, cum superfluitate ex  
illorum minerâ, generatur, quod  
ad oculum eius monstrabit disse-  
ctio, quam nos peculiari tracta-  
tu, anotomia vitrioli dicto, per-  
spicuè tradidimus. In illo non est  
vel sulphur, vel alumen actuale,  
quod oculariter demonstrari  
possit; ipsum etiam alumen ex  
concurso aquæ, spiritus sulphu-  
ris, corporisq; lapidei coaluit,  
quorum hoc efficit, ut forma,  
colore, & gustu à vitriolo diffe-  
rat. Sed neq; sal est, neq; rectè in  
salibus



salibus numeratur vitriolum. Substantia, quæ ex eo ad colorem purpureum reverberato extrahitur, non est propriè sal, sed spiritus sulphuris coagulatus, qui beneficio Vulcani, à residentia mineræ vitrioli maximam partem secretus, in forma salis cum aqua separatur, eaque, si destilletur, præter pauculum tantum residentia mineralis, tota abit in spiritus. A vitriolo nequit separari substantia, quæ de natura sua sine additione aut artificio extrinsecus accedente somnum provocare, sopire dolores, omnesq; ardores internos extinguere, vel aliorum nobilium anodynorum vegetabilium loco esse possit. Pulvis iste subviridis vel flavus, quem chemici quidam, median-

te



APHOR. CHYMIATR. 39

te præcipitatione, vel attractione  
per laminas ferri facta, separant,  
non est sulphur, sed pars minera-  
lis & fixa vitrioli, cui nomen sul-  
phuris vitrioli anodynus nequa-  
quam debetur. Spiritus vitrioli  
acidus, siue primus ille subtilis, si-  
ue ultimus, oleum vitrioli dictus,  
sine additione non potest eò adi-  
gi, ut acrimoniam suam & facul-  
tatem corrodentem, solven-  
temque cum dulci & saccharino  
sapore cōmutet, & si id fieri pos-  
set, proprietates tamen alias unā  
accerferet. Quum dubio procul  
res dulcis per proprietatem aci-  
dam, & vice versa operari neque-  
at. Qui in hoc laborant, ii animo  
suo vanis speculationib. dedito,  
magis velificantur, quam ut ar-  
canorum virtutes, certis suis fini-  
bus



bus à Deo destinatas, in gradum  
sue perfectionis eminentiorem  
evahere contendant. A vitriolo  
viridis quidam liquor abstrahi-  
tur, quæ tamen viriditas non est  
ipsi spiritualiter atq; indivisum, ut  
aqua alteri aquæ, permixta: po-  
tius accidentalis quædam res &  
subtilissima fuligo cuprea, ab eo  
vicissim separabilis, sic ut liquor  
is clarus limpidusve evadere pos-  
sit. Idq; per hanc irrefragabilem  
maximam, quod nihil sit in vitri-  
olo, aquam ipsius aut liquorem  
tingens, quàm cuprum.

*Apherismus XLVI.*

Quanquam sulphur minerale  
ad ignem quemadmodum resina  
dissolvitur, & ob suam unctuo-  
sitatem etiam comburitur: inte-  
rim tamen non est artifex, qui ex  
illo



APHOR. CHYMIATR. 41

illo per destillationem oleum separare possit, aut, si id tentet, nihil aliud in alembico suo vel recipiente inueniet, quàm purum putumque sulphur. Nec verò etiam acida illa substantia, quæ per combustionem ab eo separatur, oleum est, sed sal ejus fuliginosus, qui fumi ad instar in aërem ascendit, meritoque attractæ ab illo humiditatis dissolvitur in liquorem, Cui, cum neq; combustilis sit, neque igni materiali minus, quam aqua contrarius, non rectè olei nomen vulgus imposuit.

*Aphorismus. XLVII.*

Antimonium, minerale est, compositum in natura ex sulphure combustili, Mercurio metallico fusili & fuliginoso, & sale

N

quo-



quodam vitrificante: non est in  
eo tinctura substantialis, ab his  
substantiis distincta; sed varios,  
quos induere potest, colores igni  
potissimum debet: non aliter,  
quam quum ex Mercurio, sale  
& sulphure minerali invicem  
mixtis, ac concorporatis, pulve-  
rem rubicundissimum, cinnabri-  
um dictum, conficimus. Quod  
ipsum tamen non obstat, quin  
iterum sejungi possunt, ac Mer-  
curius in pristinā suam formam  
prorumpere. Non itaque sepa-  
rari a corpore potest, quod in eo  
nullum est, neque eadem sunt,  
separare colorem, & artificia-  
liter colorare. Cætera neque li-  
quorem in se habet antimonium,  
nisi accidentaliter, comburen-  
do nimirum sulphur illud, com-  
busti-



bustile, in certis instrumentis de-  
 stillatoriis aërem attrahere aptis.  
 Tum namque salsa illa fuligo in  
 liquorem dissolvitur, non alio  
 modo, quàm de sulphure simplici  
 suprà dictum est. Sunt hodieque  
 subtilia quædam ingenia, quæ  
 dejectorium illud reddere co-  
 nantur, ita, ut more quorundam  
 benignorum catarticonum ve-  
 getabilium hunc in finem a Deo,  
 præcipuè productorum, benignè  
 securè, & sine omni malæ altera-  
 tionis periculo, semper atque  
 in omnibus corporibus, humo-  
 res purgandos per inferiora tan-  
 tum deducat. Verùm omnes  
 isti processus, quos hanc in rem  
 hæcenus scripserunt, si cum pro-  
 prietatib. simplicissimorum etiam  
 purgantium rosæ ac senæ com-



parentur, in nullo vel loco vel  
precio poterunt consistere.

*Aphorismus XLIX.*

Mercurius mineralis sive ar-  
gentum vivum, substantiæ est in-  
ter res naturales maximè admi-  
rabilis. Extràa, erit atq; aquæ assi-  
milatur, intra, ignem terramq; re-  
fert. Equidem compositū quid-  
dam est, nihilominus tamē in de-  
stillatione tam se heterogeneum,  
quàm aqua, exhibet, neque ars  
eum vel dissecare, vel diversas  
ab eo substantias separare valet.  
Potest quidem sub variis formis  
delitescere, & diversarū faculta-  
tum medicamenta ex illo confic-  
ri: at hoc non impedit, quin pri-  
mam suam formā repetere sem-  
per possit. Chemici certe, qui  
eum fixum reddere adlabora-  
runt,



APHOR. CHYMIATR. 45  
runt, quum se in hoc frustra esse  
animadverterent, nomen servi  
fugitivi appositè ipsi indidere.

*Aphorismus XLIX.*

Plumbum non habet in se sal,  
quòd actualiter, quoad colorem,  
gustum & qualitatem sal sit, sed  
sal quoddam vitrificans, multo  
verò minùs saccharum in eò re-  
perire est. Unde forma hæc plum-  
bi præparati, quam sal aut saccha-  
rum Saturni vocant, nihil aliud  
est, quàm plumbum mediante a-  
ceto destillato dissolutum, ac in  
talem formā adductum, ex qua  
mixtione sapor hic nascitur, salvo  
interim plumbo, quod intra spa-  
cium quadrantis horæ, reduci in-  
tegrum potest. Par est de simili-  
bus, stanni, ferri, chalybis & cupri  
præparationibus iudicium.

N 3

*Apho-*



*Aphorismus L.*

Ex argento non potest extrahi tinctura cærulea, sed alicujus additionis interventu in pulverē cæruleum vertitur, à quo argentum semper repeti potest. Omne etiam vitriolum, sal, aut crysalli argenti, res sunt compositæ, quæ ab hoc simpliciter non procedunt.


*Aphorismus L I.*

Ab auro non potest segregari substantia quædā portabilis, sed quomodocunq; præparetur, redire denuò in aurū. Hujus assertionis inconcussam veritatē, uti & auri utilitates, modumq; , quo chemicè id præparatur, plenè pleneq; demonstrabit tractatus noster, qui sub chrysologiæ nomine lucem propediem videbit.

*Sectionis primæ aphorismorum chymiatricorum FINIS.*

APHO.





# APHORISMORUM CHYMIATRICORUM

synopsos

## SECTIO SECUNDA.



Niverſum genus huma-  
num, propter transgreſ-  
ſionem primi noſtri pa-  
rentis Adami, variis atque innu-  
meris miſeriis ac afflictionibus,  
morti denique ipſi eſt expoſi-  
tum. Miſeriarum principes ſunt,  
nuditas, fames, ſitis, frigus, calor,  
morbi &c. Quorum his potiffi-  
mum præ aliis Deus opt. max.  
tanquam virgis utitur, quibus in  
homines tam univerſim quam  
particulatim ſeverè animadvertit

N 4

qui-



quibusq; maximam eorum partem enecat & perimit. Atque id quidem non sacra tantum scriptura testatur, sed & longa temporum observatione ita comprobatum est, ut, qui id infitias ire ausit, eorum, qui Christiani sunt, & sapiant, futurum putem neminem.

*Aphorismus II.*

Quandoquidem ergo morborum omnium, mortisque ipsius origo prima à peccato est, constitutumque per immutabile & ineluctabile Dei decretum (præter cuius voluntatem ne folium quidem ex arbore decidit) ut hæc in homines grassentur, eosque non meritò solum primigeniæ & nativæ corruptelæ, sed & quotidianorum peccatorum causa,



sa, ad finem usque mundi, variis modis adficient: necessum est, vanæ suæ atque stultæ opinionis oppidò fallantur, quicumque ordinem hunc Dei per rem quandam naturalem interpellari, ac citra illius voluntatem sanitatem humanam fartam tectam conservari, protrahi denique vitam ipsam posse, existimant.

*Aphorismus* III.

Pendēt itaq; tam sanitas & vita, quam mors morbiq; nō á natura sed á sola atq; unica voluntate & arbitrio Dei: Jobo etiam teste, quando inquit: *Ipsæ DEVS vulnerat & medetur; percutit & manus ejus sanabunt.* Et Amos dicit: *Non est malum in civitate, quod Dominus non fecerit.* Atque hac inevitabili necessitate comparatum est, ut & patia-

N S                      tur



50 .ATA SYNOPSIS  
tur homo, & moriatur postmò-  
dum. Unde consequens est, quod  
medicamenta, quæ nihil aliud  
sunt, quàm media naturalia, mor-  
bis, non secus ac famicibus, po-  
tusque siti opposita, non possint  
magis vel sanitatem conservare,  
vel sanare ægritudines, quàm be-  
neplacitum benedictioque divi-  
na illis permittunt. Non alia pro-  
fectò ratione, quàm de cibo dicit  
scriptura: quòd homo non vivat  
de pane solo, sed de verbo, quod  
exit ex ore Dei.

*Aphorismus IV.*

Hac de causa morborum alii  
sunt curabiles & breves, alii cura-  
biles & longi. eorū, qui curatio-  
nem respuunt, quidam diuturni,  
qui non nisi cum vita ipsa ab ho-  
mine recedunt: quidam acuti,  
qui



APHOR. CHYMIATR. 31

qui non ita multis diebus, maximam partem eorum, quos adorti fuerint, conficiunt: quidam acutissimi, qui homines vel de subito, vel paucis horis, longoq; ante tempore, quam iis possit medicamentis succurri, è medio tollunt.

*Aphorismus V.*

Ex quo illud conficitur, officium medici his quasi finibus terminari, ut videlicet aut morbos, qui curationē admittunt, quam potest, citò, tum & iucundè, ad præscriptum regularum cano- numque medicinalium curet: aut incurabiles diuturnosq; palliet, ac ex parte levet: semper denique pio suo & bono consilio præstò sit, ad supremam benedictionem, quicquid agit, referèdo.

*apho-*



Atque hæc licet ita sese habeant, nihil tamen obstat, quin res naturales certis sint ordinibus gradibusque distinctæ, ac medicamenta bonitate & præstantia, tam ab insita virtute, quam modo præparandi profectâ invicem se excedant. Certum namque est, quemadmodum mustum turbidum impurumque longè est infra vinum: ac, ut panis exputa farina confectus beneque coctus granum crudum exsuperat: ita consimiliter medicamentum subtile, purum, beneque præparatum, ei, quod minùs tale est, meritò venire anteponendum. Etenim in pura & spiritali rerum substantia, propriisque earundem elementis, non in terrestri illo corporis



poris crassamento, impuritatibus multis & superfluitatibus re-  
 ferto, vis medicatrix residet. Per  
 quam rationem colligitur, medi-  
 camenta chymica in universum  
 omnia, puritate, subtilitate, peni-  
 trantia, ac proin quoque effica-  
 cia, longè esse supra vulgarium,  
 quæ crassè præparantur condi-  
 tionem. In his enim purum cum  
 impuro permiscetur, ac per lon-  
 gam decoctionem pars subtilis  
 in auras subvolat, denique, quod  
 reliquum est, pravam quandam,  
 à vasis cupreis, in quibus coqui-  
 tur, qualitatem sortitur.

*Aphorismus VII.*

Medicamenta illa generalia, si-  
 ve quomodocunque ea quis ap-  
 pellare velit, quibus tanquam ba-  
 sibus, pars medicinæ pharmaceu-  
 tica



§4      SYNOPSIS  
tica universa innititur, qualia  
sunt Vomitoria, Cataractica, Su-  
dorifera, Diuretica, Cordialia, A-  
lexiteria & Anodyna, si diligen-  
tissimè secundum ordinem artis  
chemicæ præparentur, tam in cu-  
randis morbis sanabilibus, quàm  
insanabilibus palliandis, operatio-  
nes suas multò promptius feli-  
ciusve, quàm medicamenta or-  
dinaria, perficiunt. Quin etiam in  
morbis desperatis, atq; ubi de æ-  
gri salute ferè conclamatum est,  
præcipuè verò in acutis, mali-  
gnam horum subtilissimamque  
materiam peccantem edoman-  
do, naturæque ad hos expellen-  
dum suppetias ferendo, præsen-  
tiori sunt, quàm hæc, auxilio. Eo-  
dem sanè modo, quo, de scriptu-  
ræ etiam testimonio, vinum sub-  
tile



tile & fragrans calorem nativum cōservat & cor reficit, multò, quàm aqua communis, efficacius. Nolo híc quicquam derogare medicis illis, qui chemiæ cognitione destituti, aliis medicamentis uti coguntur: potiùs eos, ut chemiæ operam dent, seriò velim cōmonitos. Sed neq; animus est ab usu medico excludere particularia medicamenta, in quacunq; forma existant, quàm vel necessitas, vel longo usu experientia commonstrata eorum virtus requisiverit.

*Aphorismus VIII.*

Sicut morbi á variis diversisq; causis oriuntur: ita in eorundem curatione, quemadmodum suprà quoque dictum est, diversa adhibeantur medicamēta, oportet.



tet. Naturam quippe ipsam vide-  
mus, non per unum emuncto-  
rium, degenerem in corpore hu-  
mano materiam, corruptosque  
humores exturbare. Qui se me-  
dicinam universalem, omnium  
omnino morborum, tam cura-  
bilibus, quam incurabilibus do-  
mitricem possidere profitentur,  
neque reipsa & effectis hanc com-  
probant, ii & ingrati sunt in  
Deum, & in proximum insigni-  
ter crudeles. Hoc agere debe-  
bant isti nugivenduli, si tam di-  
vinum ipsis donum esset conces-  
sum, ut clarissima eorum in æ-  
gros exstarent merita, nomen-  
que operum & curationum ma-  
gnitudine inclaresceret, quod e-  
ditis, de re, quam nullam habent,  
libris conspicuum reddere fru-  
stra



APHOR. CHYMIATR. 57  
strá affectat. Nam quemadmo-  
dum militem bonum judica-  
mus, qui arma bene tractare no-  
verit: ita & medici præstantia, o-  
mnis ex curationibus elucet.

*Aphorismus IX.*

Omnia medicamenta, sive  
simplicia, sive composita, gene-  
ralia vel particularia, quomodo-  
cunque præparata, cum ratione,  
modoque principiis Hippocrati-  
cis consentaneo, usurpanda sunt.  
Neque enim in quatuor istis ma-  
tricibus sive elementis reperitur,  
neque artis beneficio fieri potest  
substantia tam temperata, quæ  
non offendere naturam possit, si  
temerè & sine accurato iudicio  
eà quis utatur.

*Aphorismus X.*

Quandocunq; Chymicus cor-  
pus



pus dividit, atque ex eo substantias separat, una etiam proprietates à naturali compositione proficentes dividit & separat. Unde, quisquis has integras servare velit, illas etiam ab se invicem non divellat necesse est.

*Aphorismes* XI.

Aquæ simplicibus vegetabilium destillatæ, non habent in se qualitatem prædominantem virtutesque; corporum, à quibus eliciuntur. Albæ enim quum existant & insipidæ, facile dispicitur, quòd sulphure sint & sale destitutæ, quæ tum propriū sunt virtutum principum domicilium, tum colorem mixtis, saporemque contriébunt. Tametsi autem sint aquæ, quæ odorem corporum suorum referant, ut sunt  
aquæ



APHOR. CHYMIATR. 59

aquæ rosarum, majoranæ, ro-  
tismarini, lavendulæ, organi &  
aliæ: multum tamen illis deest  
eorum, quibus integra perfecta-  
que corporum essentia comple-  
tur. Tantum sulphur subtilissi-  
mum, oleumve volatile, quo ve-  
getabilia hæc prædita sunt, se-  
cum avehunt, tincturâ aliisque  
substantiis post se relictis. Atque  
idcirco non quasi integrorum, à  
quibuseductæ sunt, corporum  
virtutes exarquent, sed effectui-  
um, qui per certam experientiam  
innotuerunt, habita ratione, u-  
surpari debent. Inserviunt medi-  
cinæ potissimum pro vehiculis,  
ut, ad præparandum alia medi-  
camenta, ut decocta; infusiones,  
extracta.

O 2

*Apha.*



Olea omnium vegetabilium,  
sive herbarum sint, sive semis-  
num, radicum, aut aromatum  
&c. per vesicam aut alio modo  
destillata, quæ proprium suorum  
corporum odorem saporémve  
habent, sunt multò, quàm olea  
per expressionem aut infusio-  
nem, calidiora, subtiliora & pe-  
nitrantiora. Administraturus ea  
internè omnium primò & maxi-  
mè de dosi sollicitus esse debet,  
quum ab una gutta olei cinna-  
momi, perperàm sumpta, vehe-  
mentiùs, quàm à drachma inte-  
gra pulveris eiusdem, inflamme-  
tur corpus & incalescat. Deinde  
de vehiculo conveniente sibi  
prospiciat, non solùm, ut calorem  
eorum immodicum attemperet,  
sed & vim penetrandi nimiam  
infrin-



APHOR. CHYMIATT 61  
infringat omniaq; ad differenti-  
am oleorum ipsorum modere-  
tur, quorum non una omnium  
est penetrantia, calor, aspre-  
do, & subtilitas, quæ singula odoratu  
& gustu facile est dignoscere.  
Eandem etiam cautelam animad-  
vertendum est in usu externo, ut  
scilicet appropriato vehiculo un-  
guentoso permisceantur, ne ni-  
miopere vel excalfaciant, vel in-  
cidant, vel inflamment, vel cu-  
tem etiam exorient: id quod  
quibusdam usu venit.

*Aphorismas XIII.*

Olea omnia vegetabilium ter-  
restria, ponderosa, tenacia & re-  
sinosa, quæ per ebullitionem à  
corporibus suis non separantur,  
neq; instar oleorum suprà com-  
memoratorum in altum elevan-  
tur,



tur, quum sine corporum suorum combustione destillari nequeunt, empyreuma semper redolent, quocunque etiam modo rectificentur: id quod manifestum est, in ligno juniperino, buxo, guajaco, ebeno & aliis. Usus horum oleorum tantummodo externus sit, quum internè sumpta stomachum offendāt, aggraventq; cerebrū. Quod si quis internum quoque harum resinarum usum affectet, is per spiritū vini in formā extracti eas redigant. Retinebūt hoc modo odorē saporēve, ac in forma pilularū vel simpliciu, vel aliorū medicamentorum, admixtu cōpositorum tutissimo poterūt internè adhiberi.

*Aphorismus XIV.*

Oleum succini, quod per re-  
tor-



APHOR. CHYMIATR. 63

tortā lento igne in arena summa  
cum accuratione destillatur, u-  
furpari intus potest. Qui destilla-  
tionē ejus reiterant, ut id clarifi-  
cent, quum hoc modo calidius  
plus justo & acutius fiat, neq; ului  
interno conveniat, in re inutili &  
supervacanea, nimis videtur cur-  
riofī. Quod majore ignis vehe-  
mentia propellitur oleū, ejus est  
in accidentib. externis usus, idem  
de aliis etiā affinium corporum  
omniumq; adeo gummarum ac  
resinarum oleis intelligendū est.

*Aphorismus XV.*

Tria sunt præcipuè olea, multū  
calefacientia, penetrantia, ac de-  
tergentia, quæ per artem Chymi-  
cam bono chirurgico confiant:  
oleum de lateribus philosopho-  
rum dictum, petroleum rectificat-

O 4 tum



tum, oleum Saponis Veneti vel Hispanici. Sunt hæc ad resolvendum & tollendum contusiones corporis, partesq; laborantes à corruptela defendendum insignis efficaciam, &, si dextrè usurpentur, effectuum præstantia, omnibus tantum non oleis antestant quam longissime.

*Aphorismus XVI.*

Olea ex axungiiis & pinguedinibus animalium, ipsis axungiiis sunt calidiora & penetrabiliora, aliisq; insuper, quam hæ, qualitatibus pollent. Ideo ipsarum potius substantiarum, quam oleorum usus sit, omniq; cura provideatur, ut sine adustione hæ habeantur, beneq; colatæ & depuratæ, in vasis plumbeis, ne rancescant, adserventur.

*Apho.*



Oleum cranii humani est multum calidum, facultatis detergentis, empyreuma graviter redolens. Qui id in epilepsia exhibent, vana potius opinione, quam certa immotaq; ratione impelluntur. Cranium quidem ipsum qualitatis est siccae ac frigidae, habetq; in se vim conglutinandi ac percutiendi, ratione cuius subtiles istos ac acres spiritus, qui sua mordacitate cerebrum vellicando & compungendo paroxysmos epilepticos causantur, condensat ac repellit: id vero de oleo nequaquam affirmari potest. Unde rectius sibi consulerent, ut pro quo in forma pulveris subtilissimi, non tamen calcinati, cranio uterentur, aut id cum

O s

spiri-



tus vitrioli modica quantitate,  
sic, ut acrimoniam nullam nanci-  
sceretur, attenuarent. Par est de  
aliis quoque ossibus iudicium.

*Aphorismus XLIII.*

Impossibile est olea à sanguine  
& carnibus quorumcunq; etiam  
animalia sine adustione destilla-  
re. Neq; virtutib. corporum suor-  
um olea hæc respondent. Pro-  
pter deterrimum putidissimumq;  
odorẽ usus eorundẽ internus sit  
interdictus. Externè quidẽ, pro-  
pter facultatẽ, quam habent, sali-  
nam deterisivam ac penetrantẽ u-  
surpari poterunt: at verò, quoniã  
natura abundè remediorum, quẽ  
iisdẽ, quib olea hæc virib. instru-  
cta sint, produxerit, iis uti confu-  
lius erit, foetentibus istis oleis, qui  
spiritus gravissimè perturbant, æ-  
gros-



APHOR. CHYMIATR. 67

grosq; sæpe non parum lædunt,  
penitus atque penitus exfulare  
jussis. Possunt nihilominus san-  
guis caroq; , vel per extractio-  
nem, vel per reductionem in mu-  
miam. atq; inde in pulverem, no-  
stris ulibus commodè adaptari.

*Aphorismus XIX.*

Spiritus aquosus & salinus,  
qui per destillationem ex sangui-  
ne prodit, substātiarum omnium,  
quæ per artem chemicam ex par-  
tibus animalium separantur, est  
utilissimus quum sal in se conti-  
neat volatile, multò, quàm reli-  
qua salia omnia, subtilius ac spi-  
ritualius, instarq; spiritus vini  
in balneo Mariæ elevetur, faci-  
lè à calore nostro concitari pot-  
erit, ut venas ac arterias omnes,  
aliósque corporis meatus, qui  
aliis



aliis medicamentis non ita perviri sunt, facultate sua detergente & aperiente, velocissimo quasi impetu, pervadat. Unde multorum acutorum & periculosissimorum affectuum, vel solitario, vel aliorum medicamentorum consortio, præsentaneum est remedium, ultrâ quàm credant ii, qui nullam inde experientiam sunt consecuti. Quanquam autem destillari nequit, quin empyreuma quidpiam sapiat: interim tamen ita potest rectificari, ut vel nihil vel minimùm odor iste offendant, &, si quam fortè offensivunculam delicatioribus adferat, ea tamen cum utilitatibus, quæ ab eo redundant plurimæ maximæq; , nequaquam veniat comparanda. Hoc modo ut præparetur



APHOR. CHYMIATR. 69  
tur spiritus iste , cum singulari  
quadam in chymicis experien-  
tia , requiritur etiam ut quis na-  
turas rerum diversas non vulga-  
riter, sed exactissimè cognoscat.

*Aphorismus XX.*

Omnia salia volatilia aut fixa  
vegetabilium aut animalium in-  
structa sunt qualitate non minùs  
calida & sicca, quàm detergente  
& aperiente , unde in expulsione  
humorum superfluatorum naturæ  
non parum auxilii conferunt.  
Quanquam autem negari ne-  
quit, reservari in sale aliquid pro-  
prietatum eius rei , à qua separa-  
tum est , integras tamen illas,  
quemadmodum de aqua oleisq;  
supra etiam diximus , nequa-  
quam obtinent. Salia instar gra-  
nulorum conformata , gustuiq;  
non



## 70      SYNOPSIS

non inconvenientia rectè intra  
corpus sumuntur. Verùm, quæ  
calci sunt similia, atque in aere  
dissolvuntur, caustica, ac magno  
pere corrodentia, ea usui tan-  
tummodo chirurgico destinan-  
tur.

*Aphorismæ XXI.*

Aquæ vitæ nomen à triplici  
potissimum ratione deducitur;  
Quarum prima est, quod in eam  
corruptio nihil juris habeat, quæ  
tamen alias aquas liquoresque  
depopulatur. Etiam si autem in  
auras exhalet, ac evanescat, non  
tamen corrumpitur. Secundò o-  
mnium omnino vegetabilium  
quoddam est quasi balsamum,  
tertiò denique vitam ipsam con-  
servat ac tuetur, non tantùm  
quòd cor exhilarare, caloremq;  
nati-



APHOR. CHYMIATR. 71

nativum roborare valet, sed  
 quod & cujuslibet grani, ex quo  
 ad vitæ sustentationem panis cō-  
 ficitur, princeps est & primaria  
 substantia. Facile comburitur, i-  
 gneaque est naturæ, cujus si ma-  
 gnā etiam quantitātē sub cam-  
 pana incendas, nulla tamen ex  
 ea prodibit fuligo: unde & subti-  
 litas ejus puritasque conspicitur,  
 neque injuria sulphuris coelestis  
 nomen ipsi á chymicis fuisse in-  
 ditum. Qualitas ejus immutabi-  
 lis est. Nam, quanquam vinum  
 meritò contrariarum substantia-  
 rum. ex quib. (quemadmodum  
 in atonomia mea antimonii o-  
 stendi) compositum est, calefacit  
 & refrigerat, idē tamē aquæ vitæ  
 attribui nequit: cujus, si pura sit  
 ac á phlegmate omnino secreta,  
 cali-



calida perpetuò & penetrans facultas deprehenditur. Quicunq; aqua vitæ pro vehiculo omnium omnino medicamentorum abutuntur, eamq; in omnibus morbis, sine causarum eorundem distinctione, in omni corpore, tempore & loco propinant, sibiq; stultè imaginantur, quod qualitatem calidam occultet, cumq; rebus, quibus jungitur, in diversas causas morbificas, tam calidas siccas, quàm frigidas & humidas conspiret: illi vehementissimè errant, suaq; culpa sæpicule committunt, ut aqua potius mortis, quam vitæ dici mereatur. Ex illa variis herbis aromaticisq; associata variarum etiam virtutum usumq; aquæ compositæ emergunt. Quarum tamen



APHOR. CHYMIATR. 73

imen nimius abusus fraudi sæpe  
est vitæ multorum, præsertim eo-  
rum, qui debilissima sunt consti-  
tutionis, calidi sicciq̃ue tempera-  
menti, cerebri infirmi, qui exte-  
nuati, febribus, internis diutur-  
nisq̃ue obstructionibus, corru-  
ptioni & inflammationi partium  
nobilium obnoxii, epileptici i-  
tem, & tremulenti, & qui cordis  
palpitatione infestantur, &c. An-  
cillatur chemiæ in extractione  
substantiarum vegetabilium, in-  
q̃ue variorum medicamentorum  
præparatione. Res quasdam me-  
liores reddit, corrigitq̃ue, ut: Ex-  
tracta scammonii, colocynthi-  
dis, aliorumq̃ue purgantium a-  
crium. Nam quando evaporat,  
aufert secum unâ substantias vo-  
latiles malignas, acutaq̃ue eorum  
P & cor-



& corrosiva salia post se relin-  
quit: è contrario autem aliorum,  
ut Senæ, Aloes, Rosarum, Rha-  
barbari & similium purgantium  
benignorum facultatem deterit,  
eam quidem ob causam, quod  
sulphur eorundem volatile per-  
dat, & bonum tantum sal reli-  
quum faciat, in quibus junctis  
vis purgatrix benigna sita erat.  
Quamobrem cautum esse ratio-  
neque duci oportet, eum, qui a-  
qua vitæ uti velit: cultelli acuti  
exemplo munitus, qui per abu-  
sum plus officit, quàm proficit, si  
dextrè usurpetur.

*Aphorismus* XXII.

Acetum destillatum, utut qua-  
litas sit frigida & sicca, prima  
que sponte adstringat & repellat,  
quemadmodum de eo aliisq; li-  
quori-



APHOR. CHYMIATR. 75

quoribus acidis cōmunis fert me-  
dicorum opinio: nihilominus ta-  
men pro certo habēt experti chy-  
miatri, quod à parte aquosiore se-  
parati illius spiritus, inq; consistē-  
tiam salinam cum corpore quo-  
piam lapideo aut minerali, nihil  
minùs frigido & sicco, coagulat i,  
aperire possint, sudoresq; cōcita-  
re fortiùs, quàm res aliqua ama-  
ra, atque evidenter calidæ qua-  
litalis. Notandum, quòd ab  
aceti destillati simplicis solitarii-  
ve usu interno penitus sit absti-  
nendum.

*Aphorismus XXIII.*

Tartarum crudum per viam  
ebullitionis aut infusionis depu-  
ratum, reductumq; in cremo-  
rem, crystallos, aut subtilissimum,  
albissimumq; pulverem, aci-  
dum.

P 2



dum tartari nobis vocatum, acrimoniam habet gustui non inamabilem. Deterfivum est, aperitivum, facultatisque laxantis. Feliciter usurpatur vel solitariè vel in linctibus, confectionibus & apozematis ad aperiendum, detergendum, arque ex parte confortandum. Quin etiam medicamenta purgantia leviora, ut rhabbarum, acuit, corrigit, saporemque iis conciliat gratiorem, quumque incidat, non communiter tantum, ut res acidæ, sed & insuper ut salinæ assolent: in quibus illud morbis, quibusque corporum constitutionibus, conveniat, nec ne, accuratè videndum est. Ejus calcinati usus intra corpus per se nullus, sed mixti cum spiritu vitrioli. Tum enim duo hæc



APHOR. CHYMIATR. 77

hæc corrosiva se invicem miti-  
gant, & quasi exarmant, compo-  
litumquē inde nascitur, quod sa-  
lis tartari vitriolati nomine venit,  
inservitq; medicinæ pro sudori-  
ferò & diuretico, quemadmo-  
dum ab aliis quoque chymicis  
scriptum est. Spiritus, qui ex tar-  
taro abit aquosus, licet empyreu-  
matis nota ipsi inusta sit, nequa-  
quam tamen hac de causa usus  
ejus internus suspectus esse de-  
bet: securissimum quippe est, &  
efficacissimum medicamentum  
diaphoreticum, subtile & pene-  
trabile, multis morbis accommo-  
datum, modo, quem nullibi non  
inculcant chymici.

*Aphorismus XIV.*

Spiritus salis communis aci-  
dus, purus, atque apprimè rectifi-  
catus

P 3



catus exquisitissimum est diureticum, ac præterea aperitivum, deterisivumq; universale, ut non viscerum tantum regionem obstructam aperire possit & detergere, sed & sanguinem grumosum venis, locisque à centro etiam remotissimis infarctum attenuare & dissolvere. Putredini mirabiliter resistit, naturamque collabascentem in diversissimis morbis recreat ac erigit. Neque tamen interea non requirit medicum prudentem & circumspectum, qui cum cautè & convenienter administrare noverit.

*Aphorismus XXV.*

Sal armoniacum salium omnium subtilissimum est, quodq; magis, quam ullum aliud penetrat ac corrodat, ut aquæ forti admixtum



mixtum aurum etiam, ut priore  
 sectione dictum est, dissolvat.  
 Quidam id dant intra corpus:  
 neque ego reluctor, quin, si ali-  
 quoties cum sale communi sub-  
 limatum sit, in certis casibus in-  
 trò possit sumi: nihilominus ta-  
 men, tam aliis de causis, quàm  
 quòd spiritibus admodum cor-  
 rosivis, atque odore & qualitate  
 spiritibus vitalibus inimica præ-  
 ditum est, usum ejus internum  
 reprobó, aliis medicamentis, na-  
 turæ humanæ familiarioribus, e-  
 jus in locum surrogatis.

*Aphorismus XXVI.*

Nitrum commune depura-  
 tum, chymiceq; præparatum, ac  
 in formam, quam sal prunellæ  
 vocant, adductum, etsi qualitatis  
 est, ut reliqua salia, detergen-

P 4 tis



tis atque exsiccantis, nihil tamen hoc impedit, quin evidentissimum sit refrigerium ac sitis levamentum, neque non ardores imensos in febribus ardentibus, Ungaricis & malignis extinguat, consopiatque dolores à magna inflammatione caloreque interno ortos, plus quam aliud aliquod medicamentum. Mirum est, quid medicis quibusdam scrupulosioribus in mentem venerit, ut, impulsu levium quarundam rationum, quas ex qualitate nitri siccante & detergente exsculpsere, usum salis prunellæ in dictis morbis formidarent, aliisq; superciliosè interdicerent, jacturam suæ auctoritatis potior rem æstimantes ægrorum salute.

*Apho.*



Magisterium perlarum crudarum, cum spiritu aceti in talem formam reductum, ut in aqua dissolvatur, melius est iis, quæ vel cum solventibus mineralibus, vel ex perlis calcinatis, quarum per calcinationem virtus excellentior omnis intercidit, elaborata sunt. Merito quidem id reponendum est in censum preciosis- rum bezoarticorum cordialium, quòd non solum sit cordi confor- tando, verum etiam in conveni- ente dosi datum putrefactioni à venenis calidis resistat, & quod errabundos in corpore malignos vapores, qui in febribus putridis continuis, malignis & pestilentia- libus spiritus vitales inficere ac labefactare minantur, coerceat,

P 5      cosq;



cosque per sudores ac insensibilem transpirationem manifestò consumat; At quod Phthificis & Hecticis, respectu febris & ariditatis, auxilii quicquam conferat, irrorando scilicet cerebrum, humidum radicale restaurando, calorem præternaturalem extinguendo, idque instar rerum frigidarum, quales & perlas esse vanè quidā sibi imaginantur, quum tamen medicorum uno omnium ore frigida & sicca pronunciantur; id verò nullum est. Quin potius ægris his damno sunt, non ratione perlarum, quarum est qualitas temperata, sed ex accidente ratione nimirum spirituū acrium ipsius aceti, qui perlis adhæserunt, tantumque abest, ut humectent, aut restaurent, ut contra-

rios



rios effectus præstent, incidant, sudoresque causentur: per quos consumptus humor alimentarius deperit, quem sartum potiùs electumque servare oportebat: Et si maximè vis quædam humectans in perlis deprehenderetur, quisquis tamen eas in magisterium liquoremque penitus insipidum, omnisque alienæ acrimoniæ expertè reducere nesciret: is quantum dictos quidem morbos attinget, perlis super porphyrium, modo vulgari subtilissimè tritis, cumque aqua rosarum combibitis, multò uteretur laudabilius, quàm vel magisterio cum spiritibus acribus præparato, vel pulvere earundem, cum sale tartari, posteaquam in spiritu aceti solutæ priùs fuerant, præcipitata.



tatarum. Qui quidem pulvis etsi gustui evidenter acrem se non exhibeat, summaq; cum industria lavetur, semper tamen partem quampiam spirituum aceti salisq; tartari furtim occultat, sibiq; reservat. Quicunq; negant, pulverem perlarum modo communi præparatum, esse cuiusdam efficaciae, in gravi hærent errore, cuius eos non experientia tantum ipsa, sed & ratio evidentissima convicerit. Nam ex eo, quod perlæ, si super parvum ignem in copia comburantur, alterantur fumumq; reddunt ac aquam, evidens fit, esse in iis partem, quam calor fermentativus stomachi, qui cum falsedine quapiam & acrimonia coniunctus semper est, digerere possit. Commentum itaque



APHOR. CHYMIATR. 85

que alchymisticum hoc est, opinioq; erronea, cuius me quoq; asseclam olim professus sum. Nunc verò rationes has experientiâ cōsequutus: aliū sum mentis, agnitæque veritati, cui sanctè nemo non medicorum obstrictus esse debet, manus dudum dedi.

*Aphorismus XXVIII.*

Varias corallorum præparatorum rationes passim tradunt chymici, quarum omnium optima est, quæ corallos crudos, per acetum destillatum in magisterium reducit. Hoc namque modo longè efficacius & manifestius principales suas facultates, quæ ipsis tribuuntur, exserunt coralli: qui cum calcinantur, inque liquoribus mineralibus corrosivis cum spiritu vini mixtis dissolvuntur.



disolvuntur, vires alias á natura sua longissimè diffitas nanciscuntur.

*Aphorismus XXX.*

Etsi oleum, vel aqua, vel sal, vel tinctura de lapidibus preciosis extrahi nequit: nihil tamen obstat, quin ope quorundam solventium congenerum, possint inde nobilissima magisteria cordialia confici: quorum granum unum potioris est in multis morbis efficaciae, quam grana triginta & ultra, eorundem vulgariter præparatorum. Verum res hæc uti ab usu communi est remota, ita neque cuivis chymico obvia.

*Aphorismus XXX.*

Talcum, quomodolibet etiam præparatum, effectus istos, quos



APHOR. CHYMIATR. 87

quos in facie perpolienda, de ipso quidam perhibent, nequaquam præstat: multò verò minùs ad maculas omnes tollendum, emendandumque faciem generale est præsidium. Nam quum diversis de causis tam generalibus quam particularib9, neq; temperamentis, neq; ætatibus, neq; circumstantiis iisdem facies vitietur, remedia quoq; non eadem atque uniusmodi perpetuò requirit.

*Aphorismus XXXI.*

Vitriolo duo principalia remedia accepta ferimus, quorum primum, quod ex eo de sua terra minerali defœcato, & in formam salis granulati candidi sive incarnati reducto conficitur, præstantissimum est & securissimum expectorans, & vomitorium deterfi-



terfivum, multis morbis accom-  
modatum, quemadmodum fu-  
sius in Emetologia mea expli-  
cui. Secundum spiritus ejus est,  
per destillationem ex eo elicitus,  
qui stomachum ac epas præci-  
puè corroborat, putredini vene-  
nisque resistit, extinguit sitim fe-  
brilem, febriumque ipsarum ma-  
teriam potiore absumit, multis  
denique aliis utilitatibus abun-  
dat, veluti id & apud omnes chy-  
micos in confesso est, & ego in  
anatomia mea vitrioli plenius  
ostendi. Usurpari debent duo  
hæc cum judicio non parum ac-  
curato, ac ad regulas medicina-  
tes composito. Non sunt nam-  
que panaceæ, uti quidem sibi per-  
suasere, quin propter qualitates  
acres & incisorias non possunt  
non



non graviter offendere, si dentur  
in corporibus, morbisq; quibus  
non competunt.

*Aphorismus XXXII.*

Sulphur depuratum per subli-  
mationem, ac attenuatum, balsa-  
mi ad instar corruptioni resistit,  
omnibusq; infirmitatibus à causa  
frigida & humida profectis ac-  
commodatum est: venenis ad-  
versatur, & magis quàm alia ali-  
qua res aërem infectum purgat.  
Balsamum ex floribus ipsis cum  
spiritu terebinthinæ præparatum  
non tantum affectibus suprâ di-  
ctis, sed & ulceribus, putridis, a-  
quosis & antiquis, rupturis inte-  
stinalib9, fracturis ossium, ani exi-  
tui, uteri procidentia, atq; aliis  
deniq; casibus multis adpropria-  
tum est remedium. Spiritum aci-  
dum

Q



dum per campanam vitream destillatum non puto qualitatibus manifestis à spiritu vitrioli differre, nisi quod simpliciore gratioresque, quam hic, qualitate præditus videatur. In hoc enim si non accuratè rectificatus sit, acrimonia instar rei metallicæ insuavis se offert, profecta, ut arbitror, à fuligine quadam metallica, quæ in fine à vehementissimo igne compulsa, cum spiritibus proficit in recipiens. Cui tamen malo diligenti rectificatione facile occurrì poterit.

*Aphorismus XXXIII.*

Antimonium, tametsi id multi medici, qui proprietates eius iuxta cum ignarissimis sciunt, maledico ore cavissentur, dat nobis vomitorium, omnium, quæ à primis



APHOR. CHYMIATR 91

mis usq; temporibus ad hanc nostram ætatem in usu fuerunt, efficacissimum & tutissimum, quod nulla symptomata venenosa producit, neq; ullo modo corpus lædit, nisi fortean præparatum sit cum rebus, quæ nocere possunt, aut administratum ab eo, qui medicinæ ignarus. Beneficio aceti optimum nobis sudoriferum depromit, quod 4. vel 5. granorum pondere sudores fortiter prolicit, & in multis morbis multum conducit usus præterea antimonii est in chirurgia. Quoniam autem hac de re fusè disserui in Anatomia mea antimonii, ne actum hîc agere videar; hoc in loco operosius hæc repetere supersedebo.

*Aphorismus XXXIV.*

Q<sup>2</sup>

Argen:



Argentum vivum, etiamsi eius usu interno medici antiqui abstinuerint, qua de causa hodieq; à multis, tamquam venenum proscribitur, ac chymia id ita mortificare nesciat, quin semper pristinae suae formae possit restitui; mater tamen illa artium experientia nos edocuit, quòd verum sit luis venerae antidoton, potentissimū in cheirurgia medicamentum, quodq; chymia id usui nostro egregiè norit accommodare. Ut vomitivum fiat, modus optimus præparandi est, cum antimonio id destillare, inque pulverem album & insipidum, quem Mercurium vitae vulgò vocant, redigere. Quod attinet præcipitata Mercurii, eaq; sive rubra, sive flava, turpetha mineralia appellata,



lata, quum per aquas fortes, spiritus sulphuris & vitrioli, qui acrimoniam suam ipsis communicant, præparatio eorundem instituat; ideo multò vehementius, quàm Mercurius vitæ corpus commovent, salivationemq; insupercausantur. Usurus Mercurio præcipitato intra corpus, præfero illum, qui sine additione, solo ignis interventu, conficitur: Proximum illi locum tribuo, quem cum ferro & chalybe corrigit, & lapidis philosophici nomine insignit Leonhardus Fioravanti, saltem bene præparetur, atq; à spiritibus aquæ fortis corrosivis diligenter sequestretur. Mercurius sublimatus dulcis, tutissimum est medicamentum, & specificum purgans, pueris unicè de-



stinatum. Nam in adultioribus parum operatur, nisi in magna dosi exhibitum, ac tum salivationem facile concitat. Præcipitatum album, quod catharticum mercuriale vocant, in lue Venerea, aliisque morbis, quorum à tartaro aliisque facibus in regione viscerum corruptis origo est, tutissimo exhibetur. Vomere tamen non rarer cogit, materiamque commovendo, corpus perturbat, unde cum judicio administrandum est. Mercurius diaphoreticus, tutissimum quidem est medicamentum; at pro Panacæa perperam venditur.

*Aphorismus XXXV.*

Magisterium plumbi, quod sacchari Saturni nomen improprie sustinet, medicamentum est insignium in refrigerando, repellendo,



APHOR. CHYMIATR. 95.  
do, desiccandi, virium. Usus eius  
felicissimus in multis affectibus  
externis, qui qualitates istas desi-  
derant. Non tamen idcirco can-  
crum, polypum, fistulam, lupum-  
que curat, uti verò quidam falso  
putant. Acrimonia certè, quæ ipsi  
à spiritibus aceti adfixa est, efficit,  
ut in magnis ardoribus excoriati,  
& ab humore virulento, afflicti  
membri, non sine causa suspe-  
ctum sit. Aquæ, acetumve per  
campanam plumbeam destilla-  
ta, quæ aquam Æsculapii Za-  
pata appellatur, magno cum  
successu contra epilepsiam datur  
pituitosæ constitutionis corpori-  
bus, quippe quòd facile & sine  
inflammatione interna, secus,  
quàm vel euphorbium vel ali-  
ud calidum medicamentum,

Q 4

hu-



humores cerebri & stomachi  
phlegmaticos per expuitionem  
eliminet. Cautè tamen hîc se ge-  
rere oportet unum quemq; , non  
minùs quàm in reliquis medica-  
mentis vacuantibus omnibus.

*Aphorismus XXXVI.*

Magisterium stanni non de-  
sunt, qui internè sumtum suffoca-  
tioni matricis mederi asserant.  
Mihi quidem experienciâ certi de  
eo nihil constat. Hoc affirmare  
possum, quod bonum ophthal-  
micum, tollendis oculi suffusio-  
nibus externis idoneum, de se  
præbeat, præditum iisdem prope-  
modum cum plumbo viribus.

*Aphorismus XXXVII.*

Cuprum, quocunque etiã  
modo præparatum, intro sumere  
sit religio. Et tametsi sint empiri-  
ci



APHOR. CHYMIATR. 97

rici quidam chymici, qui id hoc modo usurpent, curationesq; recenscant, quas huius ope perfecerint; malorum tamen vel meminisse, vel ea non ignorare debebant, quæ ægris attulerunt plurima. Magisterium cupri cum aceto destillato confectum inter medicamenta chirurgica locum non ultimum obtinet: ulcera putrida absterget & mundificat: saniem ex profundo fistularum attrahit, excrescentias aut carnositates consumit, corruptelam prohibet, desiccatur, bonamq; carnem producit. Verum tamen quoniam operationes has suas cum acrimonia quadam calida & mordace exserit; iudicium requiritur, ut cui casui, quibus adfectibus conveniens sit, dissipiciatur. Alioquin

Qs

par.



partibus, quibus sine ratione applicatur, inflammationem ac dolorem posset accersere.

*Aphorismus XXXIX.*

Chalybs metallum est, ab omni qualitate maligna alienū, multis proprietatibus atq; utilitatib; refertum, cuius rei medici hāc tempestate omnes testimonium ferre possunt. Chalybe abstrictorio usuro, crocus eius per reverberationem confectus, præ aliis præparandi modis omnibus, sit cōmendatus. At contra obstructionem crudus præparetur, subtilieturq; tantummodò, aut cum vino, aceto, succis herbarum, aut salib; appropriatis, prout cuiusvis medico visum fuerit, in formam magisterii adducatur. Oportet tamen, methodi, qualitatūq; manifestarum



APHOR. CHYMIATR. 99

starum in eius administratione,  
ratio habeatur, utque detur in  
morbis & corporibus non dis-  
convenientibus.

*Aphorismus XXXIX.*

Ex argento præparatur magi-  
sterium hydragogum, quemad-  
modum in libello meo, Septem  
planetarum terrestrium spagyri-  
ca recensio, dicto, commemora-  
vi, & in Ternario Bezoarticorum  
repetii. Eius ope quanquam,  
multas curationes, cuius rei mihi  
testis Deus est, felicissimè perfeci:  
quia tamen & tempus longum  
requiritur, ut corrosivi specifici  
spiritus bene illi uniantur, idq; u-  
sui interno reddatur idoneum; &  
non semper æquè foeliciter hoc  
obtingat, quin acrimoniam  
inamabilem sæpe retineat; &  
fi



si non bene præparatio cesserit,  
nocendi sit, quàm juvandi pote-  
state instructius; usum eius inter-  
num omisi, aliisq; nunc hydrago-  
gis, gustui gravioribus, tutiorib9,  
nostræque naturæ familiaribus  
utor; quod ut alii quoq; faciant,  
candidè moneo. Quidam ex ar-  
gento profitentur se educere pos-  
se somniferum & anodynum:  
planè contra rationem. Nam ne-  
que substantia ab eo separari ulla  
potest, ut priore sectione dixim9;  
neque in mineralibus reperitur,  
quod facultate somnifera atque  
anodyna specifica præditum sit,  
ut in opiologia mea ostendi. Alii  
magisterium sive vitriolum lunæ  
ostentant, quod omnibus epilep-  
siæ speciebus medeatur: quo-  
rum tamen verbis magnificis ef-  
fectum



APHOR. CHYMIATR. IOI  
fectum fuisse minorem semper  
deprehendi. Interim non eo infi-  
tias, esse in eo proprietatem quā-  
dam cephalicam specificam; at  
verò ea, ut aliæ facultates medi-  
camentorum, suis est terminis  
comprehensa.

*Aphorismus XL.*

Auri magisterium cum suo pro-  
prio solvente præparatum, rectè  
dicitur Aurum potabile. Et, quā-  
quam aurum in eo semper aurū  
manet nihilominus quando hoc  
modo subtiliatur, & quasi reclus-  
ditur, vires eius de potentia in a-  
ctum prorumpūt, ignis ad instar,  
qui è lapide elicitus, & de poten-  
tia in actum deductus, interven-  
tu cuiusdam olei vel sulphuris, si-  
milis sibi naturæ, quamdiu cum  
his unitus subsistit, ardet. Atque  
uti



uti consumto isto subiecto, ille quoq; unà consumitur, ita separatum à suo magisterio aurum, atq; à spiritibus solventis seiunctum, est quasi mortuum. Ipsum quidem magisterium est præstantissimum cordiale Bezoarticum, & quemadmodum in Chrysologia mea fusissimè ostendo, inter omnia, quæ hoc nomine commendantur, Bezoartica, facile obtinet principatum.

*Aphorismus XLI.*

Auctarii vel superpondii loco addo, studiosum medicinæ boni iudicii, atq; impigrum, intra menses sex præterpropter, tantum in chymia posse addiscere, quantum ad usum medicum satis sit: saltem veris artis, quæ his aphorismis comprehenduntur, fundamentis



mentis innixus, rectam viam in-  
 eat, caveatq; sibi ab his, qui, pro-  
 prii lucelli amore, artem faciunt  
 longam, inutilibusq; speculatio-  
 nibus ac spinosis disputationibus  
 miserrimè intricant rem, quæ ma-  
 nualis tota est, ac in evidentibus  
 artis exemplis consistit.

Habes hic, candide lector, fun-  
 damenta Chymiatricæ, quibus e-  
 jus in medicina usus utilitasq; o-  
 stenditur: & ad quæ, quia gene-  
 ralia sunt, omnes operationes  
 Spagyricæ particulariores exigi  
 possunt. Ego hîc finio, Deumq;  
 veneror, ut laboribus meis bene-  
 dicere, eosq; in sui honorem, pro-  
 ximi, meumq; ipsius emolu-  
 mentum cedere omnes  
 velit.

*Sectionis II. aphorism. chymiatr.*

F I N I S.



